

精校
大字
漢魏叢書九十六種

上海大通書局發行
武進唐鉅著

14
2023
31

0 1 2 3 4 5 6 7 8 9 40 1 2 3 4 5 6 7 8 9 50 1 2 3



水經總目

| | | | | | | | | | |
|----|-----|----|-----|-----|-----|-----|-----|-----|----|
| 卷上 | 河水 | 渭水 | 汾水 | 澮水 | 凍水 | 文水 | 原公水 | 洞渦水 | 晉水 |
| 洛水 | 伊水 | 灑水 | 澗水 | 穀水 | 甘水 | 漆水 | 滄水 | 沮水 | 渭水 |
| 聖水 | 巨馬水 | 濕水 | 濕餘水 | 沽水 | 鮑丘水 | 濡水 | 大遼水 | 小遼水 | 涇水 |
| 丹水 | 汝水 | 渰水 | 澗水 | 穀水 | 甘水 | 漆水 | 滄水 | 沮水 | 渭水 |
| 潁水 | 潁水 | 潁水 | 潁水 | 潁水 | 潁水 | 潁水 | 潁水 | 潁水 | 潁水 |
| 沂水 | 洙水 | 沐水 | 巨洋水 | 淄水 | 汶水 | 汶水 | 睢水 | 瓠子水 | 汶水 |
| 湍水 | 均水 | 粉水 | 白水 | 泚水 | 淮水 | 滹水 | 濰水 | 膠水 | 沔水 |
| 漁水 | 潁水 | 潁水 | 蘄水 | 泚水 | 泚水 | 泚水 | 肥水 | 施水 | 沮水 |
| 夏水 | 羌水 | 涪水 | 梓潼水 | 泚水 | 江水 | 青衣水 | 桓水 | 若水 | 沫水 |
| 沅水 | 存水 | 温水 | 淹水 | 葉榆水 | 夷水 | 油水 | 澧水 | 沔水 | 沔水 |
| 資水 | 漣水 | 湘水 | 灘水 | 溱水 | 匯水 | 深水 | 鍾水 | 耒水 | 沫水 |
| 瀏水 | 潁水 | 贛水 | 廬水 | 漸江水 | 斤江水 | 山澤附 | | | 澆水 |

水經總論

晁公武曰水經三卷漢桑欽撰欽成帝時人後魏酈道元注史稱道元好學歷覽奇書撰注水經行於世陳振孫曰欽邯鄲書目以為漢人晁氏言成帝時人當有所據按唐志注或云郭璞撰又杜氏通典按水經晉郭璞注三卷後魏酈道元注四十卷皆不詳所撰者名氏亦不知何代之書佑謂二子博瞻解釋固應精當然水經云濟水過壽張

水經

水經

則前漢壽良縣光武更名又東北過臨濟則前漢狄縣安帝更名又云河水過湖陸則前漢湖陸縣章帝更名又云汾水過河東郡永安則前漢襄縣順帝更名故知順帝以後纂序也詳水經所作殊為詭誕全無憑據按後漢郡國志濟水王莽末因旱渠塞不復截河南過統順帝時所撰都不詳悉其餘可知景純注解又甚疎略亦為迂怪以其僻書人多不覩謂其審正未之精也 王伯厚曰水經引天下之水百三十七江河在焉酈氏注引支流一千二百五十二通典謂晉郭璞注三卷後魏酈道元注四十卷皆不詳撰者名氏不知何代之書云濟水過壽張則前漢壽良縣光武更名又東北過臨濟則狄縣安帝更名河水過湖陸則湖陸縣章帝更名汾水過永安則襄縣順帝更名故知順帝以後纂序也愚按經云武侯壘又云魏興安陽縣注謂諸葛武侯所居魏分漢中立魏興郡又云改信都從長樂則晉太康五年也然則非後漢人所撰隋志云郭璞注而不著撰人舊唐志云郭璞撰愚謂所載及魏晉疑出於璞也新唐志始以為桑欽而又云一作郭璞撰蓋疑之也經云河水又北薄骨律鎮城注云赫連果城也乃後魏所置其酈氏附益歟按前漢儒林傳古文尚書滄擘授河南桑欽君長晁氏讀書志謂欽成帝時人意者欽為此書而後人附益如山海經禹益所記有長沙零陵桂陽諸暨之名本草神農所述有豫章朱崖趙國常山奉高真定臨淄馮翊之稱爾雅作於周公而云張仲孝友蒼頡篇造於李斯而云漢兼天下皆非本文顏之推嘗論之矣通典又謂景純注解疎略多迂怪今郭注不傳 歐陽圭齋曰按隋經籍志有兩水經一本三卷郭璞注一本四十卷酈善長注善長即道元也然皆不著撰人姓名唐杜佑作通典時尚見兩書言郭璞疎略於酈注無所言撰人則槩未之考也舊唐志云郭璞作宋崇文總目亦不言撰人為誰但云酈注四十卷亡其五然未知兩水經之一在亡已見於斯時否也新唐志乃謂漢桑欽作水經一云郭璞作今人言桑欽者本此也崇文總目作於宋景佑與新志書同時又未知此志何所據以為說也余嘗參訂之說者疑欽為東主順帝以後人以舜一縣疑之也今經言江水東逕過安宮南永安宮昭烈託孤於孔明之地也今特著於斯又若因其人而重者得非蜀漢間人所為也不甯惟

是也其言北縣名多曹氏置南縣名多孫氏置余又未暇一二數也斯則近代宇文氏以為經傳相着者此說近之也然必作經作傳之八定而後可分也或者又曰豈非欽作於前二氏附益於其後他書或然也而此未必也西漢儒林傳言滄擘授河南桑欽君長尚晁氏言欽成帝時人使古有兩桑欽則可審為成帝時欽則是書不當見遺於漢藝文志也

水經卷上

漢桑欽撰

南昌許旭惠校

河水

崑崙墟在西北去嵩高五萬里地之中也其高萬一千里河水出其東北陬屈從其東南流入于渤海又出海外南至積石山下有石門河水貫以西南流河水又南入葱嶺山河水又西逕罽賓國北河水又西逕月氏國南又西逕安息南河水與蠃羅歧水同注雷翁海又西逕四大塔北又西逕陀衛國北河水又東逕皮山國北其源出于闐國南山北流與葱嶺河合東注蒲昌海河水又東與于闐河合又西北流注于河南河又東逕于闐北南河又東逕莎車國南北河之東南逕溫宿國北河又東逕姑墨國南河水又東逕注賓城南又東逕樓蘭城南而東注河水又東注于勃澤又東入塞過敦煌酒泉張掖郡南河水又自東河曲逕西海郡南河水又東逕允川而歷大榆小榆谷北又東過隴西河關縣北洮水從東南來流注之河水又東北流入西卑郡界左合二川南流入河又東北濟川水注之河水東又逕澆河故城北河水又東北逕黃川城河水又東逕石城南左合北谷水河水又東北逕黃河城南河水又東北逕廣遠城北又合烏頭川水河水又東逕邯川城南河水又東臨津谿水注之河水又東逕臨津城北白土城南河水又東左會白土川水河水又東北會兩川右合二水河水又東得野亭南河水又東歷鳳林北河水

又東與離水合河水又逕左南城南大河又東逕赤岸北河水又東洮水注之又東過金城允吾縣北河水又東逕石城南又東過榆中縣北又東過天水北界又北過武威媪圍縣東北又東北過天水勇士縣北又東北過安定北界麥田山河水東北流逕安定祖厲縣故城西北河水又東北逕麥田城西又北與麥田泉水合河水又東北逕麥田山西河水又東北逕于黑城北又東北高平川水注之河水又東北逕昫卷縣故城西河水又東北逕廉縣故城東河水又與北枝津河水又東北逕渾懷郭西河水又東北歷石崖山西又北過朔方臨戎縣西河水又北逕臨戎縣故城西河水又北有枝渠東出謂之銅口東逕沃野故城南河水又北屈而為南河出焉河水又北逕西溢於麻澤縣故城東河水又屈而東流為北河東逕高闕南河水自臨河縣東逕陽山南河水又南逕馬陰山西河水又東南逕朔方縣故城東北河水自朔方東轉逕渠搜縣故城北河水又東逕成宜縣故城南河水又東逕原亭城南河水又東逕宜梁縣之故城南河水又東逕柁陽城南又東過臨沃縣南河水又東枝津出焉河水又東流石門水南注之河水又東逕柁陽縣故城南河水又東逕塞泉城南而東注又東過雲中柁陵縣南又東過沙南縣北從縣東屈南過沙陵縣西河水屈而流白渠水注之河西南入柁陵縣西北又南過赤城東又南過定襄柁過縣西河水于二縣之間濟有君子之名河水又東南左合一水河水又南樹頽水注之河水又南太羅水注之河水又左得澗水口又南過西河固_音陽縣東河水又東端水入焉河水又南諸次之水入焉河水又南湯水注之又南離石縣西奢延水注之河水又南陵水注之河水又南得離石水口又南過中陽縣西又南過上軍縣西河水又南合契水河水又南得大蛇水河水又南又納辱水又南過上郡高奴縣東河水又南蒲川石樓山南逕蒲城東河水又南過河東北屈縣西河水又南得鯉魚河水又南羊求水入焉河水又南為採桑津又南過度氏縣西河水又南合蒲水河水又南逕丹水西南河水又南黑水注之河水又南至崞谷傍河水又南洛水自獵山枝分東派東南注于河又

南出龍門口汾水從東來注之河水又南右合暢谷水河水又南逕梁山原東河水又南崞谷水注之河水又南右合陶渠水河水又西徐水注之河水又南逕子夏石室又南過汾陰縣西河水又逕卻陽城東河水又南逕陶城西又南過蒲坂縣西河水又南逕雷首山西又南涑水注之又南至華陰潼關渭水從西來注之河水歷船司空與渭水會河水又東北玉澗水注之河水又東逕門鄉侯河東與金鳩澗水合又東過河北縣南河水又東永樂澗水注之河水自河北城南東逕芮城河水又會槃澗河水又東逕湖縣故城北河水又東合柏谷水河水又東右合門水又東過陝縣北又西逕陝縣故城南又東過大陽縣南河水又東逕大陽縣故城南河水又東沙澗水注之又東過砥柱間河之右則嶠水注之河水又東于嶠之水注焉又東過平陰縣北又東至鄧清水從西北來注之河水又東與教水合河水又與畛水合河水又東合庸庸之水河水又東逕平陰縣北河水西會溱水_{右會}河水又東過平陰縣北湛水從北來注之河水又東逕河陽縣故城南河水又逕臨平亭北河水又東逕洛陽縣北河水又東逕平陰縣故城北河水又東涓水入焉又東沛水注焉又東過鞏縣北洛水從縣西北流注之又東過成皋縣北濟水從北來注之河水又逕黃馬坂北河水又東逕旋門坂北河水東逕成皋大伾山下河水南對王門河水又東合汜水河水又東逕板城北河水又東逕五龍塢北又東過滎陽縣浪蕩渠出焉河水又東北逕卷之扈亭北河水又東逕八激堤北河水又東逕卷縣北河水又東北逕赤岸固北而東北注之又東北過武德縣東沁水從之東至酸棗縣西濮水東出焉河水又東北通謂之延津河水又逕東燕縣故城北則有濟水自北來注之河水又東淇水入焉又東逕遮害亭南河水又東右逕滑臺城又東北過黎陽縣南河水自津東北逕涼城縣河水又東北逕伍子胥廟南河水又東北為長壽津故瀆東北逕戚城西故瀆又逕繁陽縣故城東北逕陰安縣故城西故瀆又東北逕昌樂縣故城東故瀆又東北逕平邑郭西又東北逕元城縣故城西北而至沙丘堰至于文陸北播于九河河之故瀆自沙丘堰南分屯氏河出焉河水故瀆東北逕發于縣北城西又屈逕其北大河故瀆又東逕貝丘縣故城南大河故瀆又東

遼東縣故城南大河故瀆又東逕平原縣故城西而北絕屯氏三瀆北逕繹幕縣故城東北西流逕平原高縣故城西大河故瀆又北逕修縣故城東又北逕安陵縣西大河故瀆北出為屯氏河逕館陶縣東北出左瀆又北逕經城東繹城西又逕南宮縣西北注絳瀆右瀆又東北逕廣宗縣故城南又東北逕界城亭北又東北逕長樂郡武彊縣故城東又東北逕廣川縣與水故道合又東北逕廣川縣故城西又東北逕棘津亭南張甲故瀆又東北至修縣東會清河屯氏別河東枝津出焉東逕信成城南又東北逕清陽縣故城南清河郡北又東北逕陵鄉南又東北逕東武城縣故城南又東北逕東陽縣故城南屯氏別瀆又東北逕清河郡南又東北逕清河故城西屯氏別河北瀆東逕繹幕縣故城南東邑大河故瀆又東北逕平原縣枝津北出至安陵縣遂絕屯氏別河北瀆又東北逕重平縣故城南屯氏別河北瀆又東入陽信縣今無水又東為咸河東北流逕陽信縣故城北屯氏別河南瀆自平原東絕大河故瀆又逕平原縣故城北東北枝津又出東北至安德縣界東會商河屯氏別河南瀆又東北於平原界又有枝渠右出至安德縣遂絕屯氏別河南瀆自平原城北首受大河故瀆東出亦通謂之篤馬河東北逕安德縣故城西又東北逕臨齊城南始又屈逕其城東故瀆廣四十步又東北逕重平縣故城西又東北逕西平昌縣故城北又逕殷縣故城北東逕樂陵縣故城北又東北逕陽信縣故城南東北入海屯氏河故瀆自別河東逕甘陵之信鄉縣故城南屯氏故瀆又東逕甘陵縣故城北逕靈縣北又東北逕榆縣與鳴瀆河故瀆合上承大河故瀆于靈縣南東北逕靈縣東東入榆縣而北合屯氏瀆又東北右過衛國縣南又東北過濮陽縣北瓠子河出焉河水東逕鐵丘南河水東北流而逕濮陽縣北為濮陽津河水又東北逕衛國縣南東為郭口津河水又東逕郵城縣北一作國名河水又東北逕范縣之秦亭西河水又東北逕委粟津左會浮水故瀆故瀆東絕大河故瀆東逕五鹿之野浮水故瀆又東南逕國邑又東逕衛國縣故城南古斟觀浮水故瀆又東逕河牧城而東北出又東北入東武陽縣東入河又有漂水出焉河水又東逕武陽縣東范縣西而東北流也又東北過東阿縣北河水于范縣東北流為倉亭津河水又歷柯

澤逕東阿縣故城西而東北出流注又東北過荏平縣西河自鄧里渠東北逕昌鄉亭北逕碭礮城西河水又與鄧里渠水上承大河于東阿縣西東逕東阿縣故城北又東北逕臨邑縣與將渠合又北逕任平縣東臨邑縣故城西北流入于河河水又東北流逕四瀆津又東北過高唐縣界

漂水

漂水又東北逕清河縣故城北漂水又東北逕文鄉城東南又東北逕博平縣右與黃溝同注川澤又東逕文鄉城又東南逕王城北黃溝又東北逕左與漂水隱覆勢鎮河陸東出于高唐縣大河右迤東注漂水矣漂水又東北逕援縣故城西漂水又逕高唐縣故城東漂水又東北逕濰陰縣故城北漂水又東北逕著縣故城南又東北逕崔氏城北漂水東南逕東朝陽縣故城南漂水又東逕漢徵君伏生墓南漂水又東逕鄒平縣故城北又東北逕東鄒城北漂水又東北逕建信縣故城北漂水又東北逕千乘縣二城間又東北為馬常坑又東北過楊墟縣東商河出焉商河又北逕平原縣東又逕安德縣故城南又東北逕昌平縣故城南又東逕般縣故城南又東逕樂陵縣故城南商河又東逕初鄉縣故城南沙溝水注之商河又東北流逕馬嶺城西北而流屈而東注南轉逕城東商河又東北逕富平縣故城北商河又分為二水南水謂之長聚溝北水世又謂之白溝瀆大河又東北逕高唐縣故城西大河又北逕張公城臨側河湄河水又北逕平原縣故城東大河右平原左逕安德城東而北為鹿角津東北逕般縣樂陵初鄉厭次縣故城南厭次河河水又逕濰陽縣故城北一作右逕河水又東北為漂沃津河水又東逕千乘城北又東北過黎城縣北又東北過甲下邑濟水從西來注之又東北入于海河水又東分為二水枝津東逕甲下城南東南溢世謂之甘棗溝故瀆又東北歷長隈逕溫陰縣北河水又東北逕陽阿縣故城西又東北過濰陽縣北河水自歷常沈注濟

汾水

水經

水經

水經

汾水出大原汾陽縣北管涔山東南過晉陽縣東晉水從縣東南流注之又南洞澗水從東來注之又南過大饒縣又南過冠晉津一作冠又南入河東界又南過永安縣西又南過揚縣東西東又南過平陶縣東文水從西來流注之南過高梁邑西又南過平陽縣東又南過臨汾縣東又屈從縣南西流又西過長修縣南又西過皮氏縣南又西至汾陰縣北西注于河

澮水

澮水出河東絳縣東澮交東高山西過其縣南又西南口虎祁宮南又西至王橋注于汾水

涑水

涑水出河東聞喜縣東山黍穀谷又西過周陽邑南又西南過其縣南又西南過安邑縣西又南過解縣東又西南注于張陽池

文水

文水出大陵縣西山文谷東到其縣屈南到平陶縣東北東入于汾

原公水

原公水出茲氏縣西羊頭山東過其縣北又東入于汾

洞澗水

洞澗水出沽縣北山西過榆次縣南又西到晉陽縣南西入于汾出晉水下口者也

晉水

晉水出晉陽縣西縣壅山又東過其縣南又東入于汾水

湛水

湛水出河內軹縣西北山東過其縣北又東過皮縣之北又東過毋辟邑南又東南當平陰縣之東北南入于河

濟水

濟水出河東垣縣東王屋山為沇水又東至溫縣西北為濟水又東過其縣北屈從縣東南流過墳城西又南當鞏縣北南入于河與河合流又東過成臯縣北又東過滎陽縣北又東至北礫礪南東出過滎陽北濟水又東逕西廣武城北濟水又東逕東廣武城北濟水又東逕敖山北濟水又東合滎濟水又東逕滎陽縣北濟水又東南礫石溪水注之濟水又東索水注之又東過陽武縣北濟水又東北流南濟也逕陽武縣故城南濟水又東逕封丘縣南濟水又東逕東昏縣故城北濟水又東逕濟陽縣故城南又東過封丘縣北北濟也濟水又東逕原武縣故城南濟水又東逕酸棗縣之烏巢澤北又東過平丘縣南北濟也濟水者又東過濟陽縣北濟也又東過宛朐縣南又東過定陶縣南南濟也濟水又東北荷水東出焉濟水又東逕秦相魏冉冢濟水又東北逕定陶恭王陵南濟水又東北逕定陶縣故城南又屈從縣東北流南濟也濟水又東至乘氏縣西分為二南為荷水北為濟瀆北濟又東北逕宛朐縣故城北又東北與濮水濟水故瀆又北右合洪水又東北過壽張縣西界安民亭南汶水從東北來注之濟水又北逕須胸城西濟水又逕微鄉東又北過須昌縣西濟水又北逕漁山左合馬頰水濟水自魚山北逕清亭東又北過穀城縣西濟水又北逕周首亭西又北過臨邑縣東濟水又北逕平陰城西濟水又東北至垣苗城西又東北過盧縣北濟水又逕盧縣故城北濟水又東北與中川水合濟水又東北右會玉水濟水又東北灤水出焉濟水又東北華不注山又東北過臺縣北濟水又東北合芹溝水又東北過營縣南又東過梁鄒縣北又東北過臨濟縣南濟水又東北迤為淵渚謂之平州濟水又東北逕樂安縣故城南又東北過利縣西又東北過甲下邑入于河狄將軍扶溝侯淮陽米鮪冢又東過方與縣北為河水濟水東逕重鄉城南河水又東過湖陸縣南東入于泗水又

東南過沛縣東北又東南過留縣北又東過彭城縣北睢水從西來注之濟水又南逕彭城縣故城東又東南過徐縣北又東至下邳睢陵縣南入于淮

清水

清水出河內修武縣之北黑山東北過獲嘉縣北又東過汲縣北又東入于河

沁水

沁水出上黨潞縣謁戾山南過穀遠縣東又南過猗氏縣東又南過陽阿縣東又南出山過沁水縣北又東過野王縣北又東過周縣北又東過邢丘縣之北又東過武德縣南又東南至滎陽縣北東入于河

洪水

洪水出河內隆慮縣西大號山又東過內黃縣南為白溝屈從縣東北與洹水合又東北過館陶縣北又東北過清淵縣西又東北過廣宗縣東為清河又東北過東武城縣西又北過廣川縣東又東過修縣南又東北過東光縣西又東北過南皮縣西又東北逕浮陽縣西又東北過滏邑北又東北過鄉邑南又東北逕窮河邑南又東北過漂榆邑入于海

蕩水

蕩水出河內蕩陰縣西山東又東北至內黃縣入于黃澤

洹水

洹水出上黨潞氏縣東過隆慮縣北又東北出山逕鄴縣南又東過內黃縣北東入于白溝

濁漳水

濁漳水出上黨長子縣西發鳩山之漳水焉東過其縣南屈從縣東北流注又東過壺關縣北又東北過屯留縣潞

縣北又東過武安縣又東出山過鄴縣西又東過列人縣南又東北過斤漳縣南又東北過曲周縣東又東北過鉅鹿縣東又北過堂陽縣西又東北過扶柳縣北又東北過信都縣西又東北過下博縣之西又東北過阜城縣北又東北至昌亭與寧池河會又東北至樂成陵縣別出北又東北過成平縣南合清河又東北過章武縣西又東北過平舒縣南東入海

清漳水

清漳水出上黨沾縣西北少山大鵬谷南過縣西又從縣南屈東過涉縣西屈從縣南東至武安縣南黍寧邑入于

濁漳

易水

易水出涿郡故安縣閭鄉西山東過范陽縣南又東過容城縣南又東過安次縣南又東過東州縣南東入于海

滏水

滏水出代郡靈工縣高氏山南過廣昌縣南又東南過中山上曲陽縣北恒水從西來注之又東過唐縣南又東逕安喜縣南又東過安國縣北又東過博陵縣南又東北入于易

聖水

聖水出上谷東過良鄉縣南又東過長鄉縣北又東過安次縣南東入于海

巨馬水

巨馬河出代郡廣昌縣涑山東過迺縣北又東南過容城縣北又東南至泉州縣西南東入于文溝又南又東過勃海東平舒縣北東入于海

濕水

濕水出雁門陰館縣東北過代郡桑乾縣南又東過涿鹿縣北又東南出山過廣陽薊縣北又東至漁陽雍奴縣西入筍溝

濕餘水

濕餘水出上谷居庸關東又東流過軍都縣南又東流過薊縣北又北屈東南至狐奴縣西入于沽河

沽水

沽河從塞外來南過漁陽狐奴縣北西南與濕餘水合為沽河又東南至雍奴縣西筍溝又東南至泉州縣與清河合東入于海清河者派河尾也

鮑丘水

鮑丘水從塞外來南過漁陽縣東又南過潞縣西又南至雍奴縣北屈東入于海

濡水

濡水從塞外來東南過遼西今支縣北又東南過海陽縣西南入于海

大遼水

大遼水出塞外衛白平山東南入塞過遼東襄平縣又東南過房縣西又東過安市縣西南入于海入遼高句麗縣有遼山

小遼水

小遼水所出西南至遼隧縣入于大遼水也

湏水

湏水出樂浪鏤方縣東南過於臨湏縣東入于海

洛水

洛水出京兆上洛縣謹舉山洛水又東戶水注之洛水又東得乳水洛水又東會于龍餘之水洛水又東門水出焉洛水又東逕熊耳山北東北過盧氏縣南洛水又東北過河南縣南又東過洛陽水逕陽渠關北洛水又東逕盧氏縣故城南洛水東與高門水合洛水又東松楊谿水注之洛水又東庫谷水注之又東北過蠡城邑之南又東過陽市邑南又東北過于父邑之南洛水又東渠谷又北過宜陽縣南洛水又東逕宜陽縣故城南又東北出散關南洛水又東枝瀆左出焉縣南伊水從西來注之又東過偃師縣南洛水又北陽渠水注之洛水又東逕訾城北又東羅水注之又東北過鞏縣東又北入于河洛水又東北流入于河

伊水

伊水出南陽縣西蔓渠山東北過郭落山又東北過陸渾縣南又東北過新城縣南又東北過伊闕中又東北至洛陽縣南北入于洛

澠水

澠水出河南穀城縣北山東與千金渠合又東過洛陽縣南又東過偃師縣南又東入于洛

澗水

澗水出新安縣南白石山東南入于洛

穀水

穀水出宏農黽池縣南璠塚林穀陽谷東北過穀城縣北又東過河南縣北東南入于洛

甘水

甘水出宏農宜陽縣鹿蹄山東北至河南縣南北入洛

漆水

漆水出扶風杜陽縣俞山東北入于渭

澧水

澧水出京兆藍田谷北入于灃

沮水

沮水出北地直路縣東過馮翊郡柘縣北東入于洛

渭水

渭水出隴西首陽縣渭谷亭南鳥鼠山又北過襄武縣北又東過獮道縣南又東過冀縣北又東過上邽縣又東過陳倉縣西又東過武功縣北又東芒水從南來流注之渭水又東過槐里縣南又東澇水從南來注之渭水又東北逕黃山宮南就水注之渭水又東合田谿水渭水又東逕槐里縣故城南渭水又東合甘水又東豐水從南來注之渭水又東北與鎬水合渭水又東北逕渭城南而沈水注之又東過長安縣北渭水又東與沈水枝津合渭水又逕長安城北又東過華陰縣北又東過鄭縣北又東過霸陵縣北霸水從縣西北流注之東入于河

漾水

漾水出隴西氏道縣嶠冢山東至武都沮縣為漢水又東南至廣魏白水縣西又東南至葭萌縣東北與羗水合又東南過巴郡閬中縣又東南入漢州江津縣東南入于江

丹水

丹水出京兆上洛縣西北冢嶺山東南過其縣南又東南過商縣南又東南至于丹水縣入于洛

汝水

汝水出河南梁縣勉鄉西天息山東南過其縣北又東南潁川郡縣南又東南過定陵縣北又東南過鄧縣北又東南過汝水上蔡縣西又東南過平輿縣南一作平輿又東至原鹿縣南入于淮

潁水

潁水出潁川陽城縣西北少室山又東南過其縣南又東南過陽翟縣北又東南過潁陽縣西又東南過潁陰縣西南又東南至慎縣東南入于淮又東南過臨潁縣南又東南汝南潁陽縣北潁水從河南密縣東流注之又東過西華縣北又南過汝陽縣北又東南過南頓縣北潁水從西來流注之又東南至新陽縣北浪蕩渠水從西北來注之

洧水

洧水出河南密縣西南馬領山又東南過其縣南又東過鄭縣南鄆水從西北來注之又東南過長社縣北又東南過新汲縣東北又東南過茅城邑之東北又東過習陽城西折入于潁

潁水

潁水出河南密縣大騮山東南入于潁

澗水

澗水出鄭縣西北平地東過其縣北又東南過其縣東又南入于洧水渠出滎陽北河東南過中牟縣之北又東至浚儀縣又屈南至扶溝縣北其一者東南過陳縣也又東南至汝南新陽縣北又東南過山桑縣北又東南過龍亢縣南又東南過義城縣西南入于淮

陰溝水

陰溝水出河南陽武縣浪碣渠東南至沛為過水又東南至下邳淮陵縣入于淮

汜水

汜水出陰溝于浚儀縣北又東至梁郡蒙縣為濰水餘波南入淮陽城中獲水出汜水於梁郡蒙縣北又東過蕭縣南又東至彭城縣北東入于泗

睢水

睢水出梁郡鄆縣又東過睢陽縣南又東過相縣南屈從城北東流當蕭縣南入于睢

瓠子水

瓠子河出東郡濮陽縣北河東至濟陰句縣為新溝又東北過廩丘縣為濮水又北過東郡范縣東北口濟渠與將渠合又東北過東阿縣東又東北過臨邑縣西又東北過平縣東為鄧里渠又東北過祝阿縣為濟渠又東北至梁郟縣西分為二其東北者為濟河其東者為時水又東北至濟西濟河東北入于海時水東至臨淄縣西屈南過太山華縣東又南至費縣東入于沂

汶水

汶水出太山萊蕪縣原山西南過嬴縣南又東南過奉高縣北屈從縣西南流過博縣西北又西南過蛇丘縣南又西南過岡縣北又西南過平章縣南又西南過無鹽縣南又西南過壽張縣北又西南至安民亭入于濟

泗水

泗水出魯下縣北山西南逕魯縣北又西過瑕丘縣東屈從縣東南流鄒水從東來注之又南過平陽縣西又南過高平縣西泲水從西北來流注之又南過方輿縣東荷水從西來注之又屈東南過湖陸縣南消涓水從東北來流注之又南過沛縣東又東逕單陽郡又東南過彭城縣東北又東南過呂縣南又東南過下邳縣西又東南入于淮

沂水

沂水出泰山蓋縣艾山南過琅邪臨沂縣東又南過開陽縣東又東過襄贛縣東屈從縣南西流又屈南過剡縣西又南過良城縣西又南過下邳縣西南入于泗

洙水

洙水出泰山蓋縣臨樂山西南至下縣入于泗

沐水

沐水出琅邪東莞縣西北山東南過其縣東又東南過莒縣東又南過陽都縣東入于沂

巨洋水

巨洋水出朱虛縣泰山北過其縣西又北過臨胸縣東又北過劇縣西又東北過壽光縣西又東北入于海

淄水

淄水出泰山萊蕪縣原山又東北過臨淄縣東又東過利縣東又東北入于海

汶水

汶水出朱虛縣泰山北過其縣東又北過濰于縣西又東北入于縣

濰水

濰水出琅邪箕縣東北過東武城口西又北過平昌縣東又北過高密縣西又北過濰于縣東又東北逕都昌縣東又東北入于海

膠水

膠水出黔陬縣膠山北過其縣西又北過夷安縣東又北過當利縣西北入于海

沔水

沔水出武都沮縣東狼谷中沔水又東南逕沮水成而東南流注漢曰沮口沔水又東逕白馬戍南澧水入焉沔水又東逕武侯壘南又東逕沔陽故城南沔水又東逕西樂城北漢水又左得度口水漢水又東黃沙水左注之漢水又東合褒水漢水又東逕漢廟堆下又東過南鄭縣南漢水又東得長柳渡漢水又左會文水漢水又東黑水注之又東過城固縣南又東過魏興安陽縣南沔水出自旱山北注之漢水又東至漢城南與洛谷水合漢水又東逕小城固南漢水又東逕石門灘漢水又東逕鳩墟為灘漢水又東逕猴經灘漢水又東逕小大黃金南漢水又東合遼陰漢水又東右會洋水漢水又東歷教頭漢水又東合直水漢水又東逕直城南漢水又東逕晉昌郡之甯都縣南漢水又東逕魚脯谿口又東過西城縣南漢水又東右得大勢漢水右對月谷口漢水又東逕西城縣故城南漢水又東為鱸湍漢水又東合旬水漢水又東逕木蘭塞南漢水又東左得育漢漢水又東逕魏興郡之錫縣故城北漢水又東歷姚方沔水又東過襄陽縣北沔水又東合檀谿水沔水又逕平魯城南又從縣東屈西南沔水從北來注之沔水中有魚梁州沔水又逕桃林亭東沔水又東南逕蔡洲沔水又東南邑城北沔水又東合洞口又東過中廬縣東淮水自房陵縣淮山東流注之沔水又東南流逕黎丘故城西又南過印縣東北一作沔水又南得木里水會又南過宜城縣東夷水出自房陵縣東流注之沔水又逕郢縣故城南沔水又東教水注之沔水又東南與白水合沔水自荆城東南流逕當陽縣之章山東沔水又東右會權口沔水又東南與陽口合又東南逕江夏雲杜縣東夏水從西來注之沔水又東逕左桑沔水又東合區亮水口沔水又東得合驛口沔水又東謂之橫桑沔水又東謂之鄭潭沔水又東得夾沔水又東與方口合沔水又東南瀆水入焉沔水又東逕沔陽縣北又南至江夏沙羨縣北南入于江沔水與江合流又東過彭蠡澤又東北出居巢縣南又東過牛渚縣南又東至石城縣分為二其一東北流其一又過毗陵縣北為北江南江又東與貴長池水合南江又南東逕宣城之臨城縣南南江又東與桐

水合南江又東逕甯國縣南南江又東北為長瀆歷河口東則松江出焉江水奇分謂之二江口又東至會稽餘姚縣東入于海江水又東逕黃橋下江水又東逕餘姚縣故城南江水又東注于海又東過堵陽縣堵水出焉自上粉縣北流注之又東過鄞縣南漢水又東逕鄞縣故城南漢水又東逕琵琶谷口又東北流又屈東南過武當縣東北漢水又東為假子潭漢水又東南逕武當縣故城北漢水又東平陽川水注之沔水又東南逕縣城東沔水又東逕龍巢山下又東南逕涉都縣東北又東南過鄧縣之西南又南逕穀城東又南過陰縣之西沔水又東南得洛谿口又南過沔陽東筑水出自房陵縣東過其縣南流注之又東逕學城南沔水又南逕筑陽縣東沔水又東為漆灘又東過山都縣東北沔水又東逕樂山北沔水又東逕隆中

潜水

潜水出巴郡宕渠縣又南入于江

湍水

湍水出鄜縣北芬山南流過其縣東又南過冠軍縣東又東過白牛邑南又東南至新野縣東入于涇

均水

均水出浙縣北山南流過其縣之東又南當涉都邑縣北南入于沔

粉水

粉水出房陵縣東流過郢邑南又東過穀邑南東入于沔

白水

白水出朝陽縣西東流過其縣南又東至新野縣西東入于涇

泚水

泚水出泚陽東北太胡山東南流逕其縣南泚水從南來注之又西至新野縣南入于涓

淮水

淮水出南陽平氏縣胎簪山東北過桐柏山淮水又東逕義陽縣淮水又逕義陽縣故城南淮水又東得澗口水東過江夏平春縣北淮水又東油水注之淮水又東北與大木水合淮水又東北流左會湖水淮水又東逕安陽縣故城南又東逕新息縣南淮水又東逕浮光山北淮水又東右壑水淮水又東北申陂枝水注之淮水又東逕淮陰亭北又東逕白城南淮水又東逕長陵戍南又東青陂水注之淮水又東北合黃水又東過期思縣北淮水又東北淠水注之淠一作東過原鹿縣南汝水從西北來注之又東過廬江安豐縣東北決水從北來注之淮水又東谷水入焉淮水又東北左會潤水淮水又東北窮水入焉又東北至九江壽春縣西泚水洪水合北注之又東潁水從西北流來注之淮水又東流與潁口會東南逕倉陵北又東北流逕壽春縣故城西淮水又北左合椒水又東過壽春縣北肥水從縣東北流注之淮水又北逕山破中謂之破石淮水又北逕莫耶山西又東過當塗縣北過水從西北來注之淮水又東北濠水注之淮水又北沙水注之又東過鍾離縣北淮水又東逕夏丘縣南淮水又東逕浮山淮水又東逕徐縣南歷澗水注之淮水又東池水注之淮水又東蘄水注之淮水又東歷客山逕盱眙縣故城西又東北至下邳淮陰縣西泗水從西北來流注之又東過淮陰縣北中瀆水出白馬湖東北注之又東兩小水流注之又東至廣陵淮浦縣入于海

涇水

涇水出南陽魯陽縣西之堯山東北過潁川定陵縣西北又東過堰縣南東入于汝

涇水

涇水出宏農盧氏縣攻離山東南過南陽西鄂縣西北又東過宛縣南又屈南過清陽縣東又南過新野縣西西過

鄧縣東南入于沔

潁水

潁水出潁強縣南澤中東入潁

濯水

濯水出汝南吳房縣西北興山東過其縣北入于汝

觀水

觀水出漁陰縣東上界山東過吳房縣南又東過濯陽縣南又東過上蔡縣南東入汝

漁水

漁水出漁陰縣西北扶予山東過其縣南又東過西平縣北又東過鄆縣南又東過定潁縣北東入于汝

潁水

潁水出蔡陽縣東南逕隨縣西又南過江夏安陸縣西又東南入于夏

潁水

潁水出江夏平春縣西南過安陸入于潁

蕲水

蕲水出江夏蕲春縣北山南過其縣西又南至蕲口南入于江

泚水

泚水出廬江雩婁縣南大別山北過其縣東又北過安豐縣東又北入于淮

泚水出盧江灣縣西南霍山東北東北過六縣東北入于淮

泄水

泄水出博安縣北過芍陂西與泚水合西北入于淮

肥水

肥水出九江成德縣廣陽鄉西肥水別北過其縣西北入芍陂又北過壽春縣東北入于淮

施水

施水亦從廣陽鄉東南入于湖

沮水

沮水出漢中房陵縣淮水東南過臨沮縣界又東南過枝江縣東南入于江

漳水

漳水出臨沮縣東荆山東南過蓼亭又東過章鄉南又南至枝江縣北烏扶邑入于沮

夏水

夏水出江流于江陵縣東南又東過華容縣南又東至江夏雲杜縣入于沔

羗水

羗水出羗中參糧又東南至廣魏白水縣與漢水合又東南過巴郡閬中縣又南至墊江縣東南入于江

涪水

涪水出廣魏涪縣西北南至小廣魏與梓潼合

梓潼水

梓潼水出其縣北界西南入于涪又西南至小廣魏縣南入于墊江

涪水

涪水出漢中南縣東南旱山北至沔陽縣南入于沔

江水

岷山在蜀郡氏道縣大江所出東南過其縣北江水自天彭關東逕汶關而歷氏道縣北又有湍水入焉江水又東別為沱江水又歷都安縣又東南過犍為武陽縣青衣水朱水從西南來合而注之又東南過犍道縣北若水淹水合從西來注之又東注水北流注江水又與符里水合又東過江陽縣南洛水從三危山東過廣魏洛陽南東南注之江水逕漢安縣北江水東逕樊石灘又逕大附灘又東過符縣北邪東南鮪部水從符關東北注之又東北至巴郡江州縣東強水涪水漢水白水宕渠五水合南流注之又江水東至枳縣西延江從牂牁郡北流西屈注之又逕東望峽東歷平都江水又逕虎鬚灘江水又東逕臨江縣南江水又東得黃華水口左逕石城南又東至平洲又東逕壤塗而歷和灘又東逕東壇江水又東右得將龜谿口江水又東南會北集渠江水又右逕池谿口江水又東逕右龍又東逕羊腸虎臂灘江水又東彭水注之江水又東右逕胸忍縣故城南江水又東歷朝陽道口江水又東左逕新灘江水又逕魚復縣之故陵江水又東為落牛灘逕故城北江水又右逕夜清而東歷朝陽道口江水又東左逕新市里南江水又東右合陽元水口江水又東逕南鄉峽東逕永安宮南江水又東逕諸葛亮圖壘南江水又東南逕赤岬西江水又東逕魚復縣故城南江水又東逕廣谿峽西過鄧縣東江水自關東逕弱關捍關南入于沔江水又東烏飛水注之江水又東逕巫縣故城南江水又東巫溪水注之江水又東逕平峽江水歷峽東逕新崩灘江水又東逕石門灘又東過秭歸縣之南江水又東逕城北江水又東南逕夔城南江水又東逕歸鄉縣故城北江水又東逕信陵縣南江水又東過夷陵縣南江水歷峽東逕宜昌縣之埭壩下江水又東流頭灘江水又東逕宜昌縣北江

水又東逕狼尾灘而歷人灘江水又東逕黃牛山江水又東逕西陵峽江水歷禹斷江江水出峽東南流逕城故州
 江水又東逕故城北江水又東逕白鹿巖江水又東歷荆門虎牙之門又東南過夷道縣北夷水從狼山縣南東北
 注之江水又東逕上明城北江水又東會沮口又南過江陵縣南江水又東逕鸞尾洲江水東得馬牧口江水又東
 逕江陵縣故城南江水又東逕郢城南江水又東得豫章口又東至華容縣西夏水出焉又東南當華容縣南湧水
 出焉江水又東涌水注之江水又逕南平郡孱陵縣之樂鄉城北又東南油水從西南來注之又東右合油口又東
 逕公安縣北江水左會高口江水又東得故市口江水又右逕楊岐北山大江又東左合子夏口大江又東左得侯
 臺水口大江右得龍穴水口江水自龍巢而東俞口又東得清揚士塢二口大江右逕石首山北又東逕赭安江水
 左得飯筐上口江水又右得上檀浦江水又東逕竹畦南又東至長沙下雋縣北澧水沅水資水合東流注之湘水
 從南來注之江水又東左得二夏浦又東逕彭城口江水自彭城巖東逕如山北江水又左逕白螺山南江水左逕
 止烏林南江水又東左得子練口江水左得中陽水口又東得白沙口江水東右得聶口江水左逕百人山南江水
 東逕大軍山南江水又東逕小軍山南江水又東逕雞翅山北又東北至江夏沙羨縣西北沔水從北來注之江水
 又東逕歎父山南對歎州江水又東逕魯山南江水左得湖口水通太湖又東合瀨口水上承沔水于安陸縣而
 東逕瀨陽縣北東南注于江江水又東湖水自北南注謂之嘉吳江右岸頻得二夏浦北對東城洲西浦側有雍伏
 成江之左岸東會龍驤水口出北山巒中江之有武口水上通安陸之延頭江水東逕若城南又東過邾縣南江水
 右得黎巖北江水又東逕邾縣故城南邾縣北江水右得樊口江水又左逕赤鼻山南又東逕西陽郡南郡治即西
 陽縣也江之右岸有鄂縣故城江水左則巴水注之又東逕較縣故城南東會布水口出潯縣霍山西麓山北有潯
 縣故城大江右岸有厭里口安樂浦江水左得赤水浦江水又東逕南陽山南江水又東逕西陵縣故城南江水東
 歷孟家澆江之右岸有黃石山水逕其北又東過蕲春縣南蕲水從北東注之又東過下雋縣北刊水從東陵西南

注之又東左得青林口

青衣水

青衣水出青衣縣西蒙山東與沫水合也至犍為南安縣入于江

桓水

桓水出蜀部岷山西南行羌中入于南海

若水

若水出蜀郡旄牛徼外東南至故關為若水也南過越雋印都縣西直南至會無縣淹水東南流注又東北至犍為
 朱提縣西瀘江水又東北至犍道縣入于江

沫水

沫水出廣柔徼外東南過旄牛縣北又東至越雋靈道縣出蒙山南東北與青衣水合東入于江

延江水

延江水出犍為南廣縣又東至犍柯營縣東屈北流至巴郡涪陵縣注更始水又東南至武陵西陽縣入于酉水

沅酉水

沅酉水東南至玩陸縣入于沅

存水

存水出犍為郫縣東南至鬱林定周縣為周水又東北至潭中縣注于潭

温水

温水出牂牁夜郎縣又東至鬱林廣鬱縣為鬱水又東至領方縣東與斤南水合東北入于鬱

淹水

淹水出越雋遂久縣徼外東南至靖蛉縣又東過姑復縣南東入于若水

葉榆水

益州葉榆河出其縣北界屈從縣東北流過不韋縣東南出益州界入牂柯郡西隨縣北為西隨水又東出進桑關過交阯糜冷縣北分為五水終交阯郡中至東界復合為三水東入海

夷水

夷水出巴郡魚復縣江東南過狼山縣南又東過夷道縣北東入于江

油水

油水出武陵孱陵縣西界又東北入于江

澧水

澧水出武陵沅縣西歷山東過其縣南又東過零陽縣之北又東過作唐縣北又東至長沙下雋縣西北東入于江

沅水

沅水出牂柯且蘭縣為勞溝水又東至罽城縣為沅又東北過臨沅縣南又東至長沙下雋縣西北入于江

浪水

浪水出武陵鐔城縣北界沅水谷南至鬱林潭中縣與鄰水合又東至蒼梧陵縣為鬱溪又東至高要縣為大水又東至南海番禺縣西分為二其一南入于海其一又東過縣東南入于海員水又東南一千五百里入南海

資水

資水出零陵都梁縣路山東北過夫夷縣東北過邵陵縣之北又東北過益陽縣北又東與沅水合於湖中東北入

于江也

漣水

漣水出連道縣西資水之別東北過湘南縣南又東北至臨湘縣西南東入于湘

湘水

湘水出零陵始安縣陽海山東北過零陵縣東又東北過洮陽縣東又東北過泉陵縣西又東北過重安縣東又東北過鄱縣西秦水從東南來注之又東北過陰山縣西沘水從東南來注之又北過澧陵縣西澗水從東來注之又北過下雋縣西過臨湘縣西澗水從縣西北流注又北為水從西南來注之又北過羅縣西澗水從東來流注之又北過下雋縣西微水從東來流注之又北至巴丘山入于江

離水

離水出亦陽海山南過蒼梧荔浦縣又南至廣信縣入于鬱水

溱水

溱水出桂陽臨武縣南繞城西北屈東流東至曲江縣安轟邑東屈西南流過滇陽縣出淮浦關與桂水合南入于海

匯水

匯水出桂陽縣盧聚東南過含匯縣南出淮浦關為桂水

深水

深水出桂陽盧聚西北過零陵道營縣南又西北過營浦縣南又西北過泉陵縣西北七里至燕室邪入于湘

鍾水

鍾水出桂陽南平縣都山北過其縣東又東北過宋渚亭又北過鍾亭與雞水合又北過魏甯縣之東又東北入于

相

耒水

耒水出桂陽郴縣南山又北過其縣之西又北過攸縣之西又西北過耒陽縣之東又北過鄧縣東北入于湘

涿水

涿水出茶陵縣上鄉西北過其縣西又西北過攸縣南又西北過陰山縣南又西北入于湘

澧水

澧水出醴陵縣東漉山西過其縣南屈從縣西西北流至漉浦注入于湘

瀏水

瀏水出臨湘縣東南劉陽縣西北過其縣東北與澆溪水合西入于湘

澗水

澗水出豫章文縣西過長沙羅縣西又西累石山入于湘水

贛水

贛水出豫章南野縣西北過贛縣東又西北過廬陵縣西又東北過石陽縣西又東北過漢平縣南又東北過新淦縣西又北過南昌縣西又北過彭澤縣西北入于江

廬水

廬江水出三天子都北過彭澤縣西北入于江

漸江水

漸江水出三天子都北過餘杭東入于海

斤江水

斤江水出交趾龍編縣東北至鬱林領方縣東注于鬱容容夜納湛乘牛涪須無無濡營進皇無地零侵黎無會重瀨夫省無變由蒲王都融勇外此皆出日南郡西東東入于海

山澤

嵩高為中嶽在潁川陽城縣西北 泰山為東嶽在泰山博縣西北 霍山為南嶽在廬江灄縣西南 華山為西嶽在宏農華陰縣西南 雷首山在河東蒲坂縣東南 砥柱在河東大陽縣東河中 王屋山在河東垣曲縣東北 太行山在河內野王縣西北 恒山為北嶽在中山上曲陽縣西北 碣石山在遼西臨渝縣南水中 析城山在河東濩澤縣西南 太嶽山在河東永安縣 壺中山在河東北屈縣東 南龍門山在河東皮氏縣西 梁山在馮翊夏陽縣西北河上 荆山在馮翊懷德縣南 岐山在扶風美陽縣西北 關山在扶風汧縣之西 隴山終南山富物山在扶風武功縣西南 須山在隴西臨洮縣西南 蟠冢山在隴西氐道縣之南 烏鼠同穴山在隴西首陽縣西南 積石在隴西河關縣西南 郁野澤在武威縣東北 合離山在酒泉會水縣東北 流沙地在張掖居延縣東北 三危山在燉煌縣南 朱圉山在天水北冀縣南 岷山在蜀郡前氐道西 蟠冢山在宏農盧氏縣南 荆山在南郡臨沮縣東北 內方山在江夏竟陵縣東北 大別山在廬江安豐縣西南 外方山松高是也 桐柏山在南陽平氏縣東南 陪尾山在江夏安陸縣東北 衡山在長沙湘南縣南 九江地在長沙下雋縣西北雲夢澤在南郡華容縣之東東陵地在廬江金蘭縣西北敷淺原地在豫章歷陵縣西南彭蠡澤在豫章彭澤縣北中江在丹陽蕪湖縣南東至會稽陽羨縣入于海震澤在吳縣南五十里北江在毗陵北界東入于江 嶧陽山在下邳縣之西羽山在東海祝其縣南 陶丘在濟陰定陶縣之西南 荷澤在定陶縣東雷澤在濟陰成陽縣西北河水在山陽湖陸縣南蒙山在太山蒙陰縣西南大野澤在山陽鉅野縣東北大邳地在河南成皋

縣北明都澤在梁郡睢陽縣東北益州沱水在蜀郡汶江縣西南其一在郫縣西南皆還入江荆州沱水在南郡枝
江縣三澁池之南在邛縣之北右禹貢山水澤地所在凡六十

識
右桑欽水經三卷邯鄲書目以欽為漢人晁氏言成帝時人自唐杜君卿宋王伯厚元歐陽圭齋皆紛紛致疑究未
定為何人所撰今既並存其說卷端無容縷述矣竊以為此書可疑之大者在于水道原委多未究悉簡編傳流亦
有脫誤又不獨經注相淆已也南條之水江為大而江漢合流入海乃在尋陽彭蠡之間徐堅初學記引水經江水
至江夏與沔水合至尋陽分為九道東會于彭澤即禹貢所謂九江孔殷也郭璞江賦源二分于岷岷流九派乎尋
陽蓋亦要其首尾而言作水經者無宜于尋陽九道概不言及而今本水經敘江水止于東過下雒縣北東左得青
林口酈注亦祇載青林湖水西南歷尋陽分為二水而不及九派其于沔水與江合流東過彭蠡澤下直接東北出
居巢縣南亦無此文又酈文口石鍾山記引水經彭蠡之口有石鍾山酈元以為下臨深潭每微風鼓浪水石相
搏聲若洪鍾石鍾得名始見于此其于廬江水注云秦始皇漢武帝及太史公司馬遷咸升其巖望九江而眺鍾彭
亦指石鍾山言而今水經于江漢及贛水條下俱不見有所謂石鍾山者則是唐宋人所見古本水經與今本必尚
有不同者茲特舉其一二端耳石林葉氏謂桑欽為水經載天下水甚詳而兩浙獨略由欽北人未嘗至東南則于
江漢水道原委不詳固無足怪加又傳流久遠簡編殘脫而欲以意為之改正亦甚難矣金時禮部郎中蔡正甫嘗
作補正水經三卷歐陽圭齋序其書謂江自尋陽以北吳松以東能使道元無遺恨而又惜其書不可得見也汝上
王謨識

星經目錄

| | | | | | | |
|----|------|-----|-----|-----|----|----|
| 卷上 | 四輔 | 六甲 | 鈞陳 | 天皇 | 柱下 | 尚書 |
| 內厨 | 天床 | 北斗 | 華蓋 | 五帝座 | 輔星 | 御女 |
| 天柱 | 女史 | 陰德 | 大理 | 輔星 | 內階 | |
| 文昌 | 三公 | 天梧 | 天槍 | 傳舍 | 天厨 | |
| 天一 | 大 | 天牢 | 角宿 | 天理 | 執法 | |
| 太陽 | 相 | 平道 | 進賢 | 天門 | 天田 | |
| 周鼎 | 庫樓 | 左攝提 | 右攝提 | 大角 | 帝席 | |
| 亢池 | 折威 | 陽門 | 陣車 | 亢宿 | 梗河 | |
| 騎官 | 車騎將軍 | 車騎 | 西咸 | 七公 | 積卒 | |
| 房宿 | 參 | 招搖 | 顯頭 | 氐宿 | 鈞鈴 | |
| 罰 | 東咸 | 天乳 | 貫索 | 畢官 | 天福 | |
| 鍵閉 | 心宿 | 天市 | 候 | 宦官 | 斗 | |
| 宗人 | 宗正 | | | | | |
| 卷下 | 屠肆 | 市樓 | 斛 | 女床 | 帝座 | 宗星 |
| 屠肆 | 東肆 | 帛度 | 天紀 | 天棒 | 天維 | |
| 列肆 | 天龜 | 天魚 | 神宮 | 尾宿 | 箕宿 | |
| 天江 | 天弁 | 狗 | 狗國 | 天籥 | 蟹 | |
| 建星 | | | | | | |

漢魏書

星經

| | | | | | |
|----|----|----|----|----|----|
| 漸臺 | 輦道 | 杵 | 農 | 斗宿 | 天泉 |
| 織女 | 牽牛 | 扶匡 | 天雞 | 河鼓 | 天桴 |
| 九坎 | 天田 | 羅堰 | 女宿 | 離珠 | 瓜瓠 |
| 璣瑜 | 虛宿 | 越 | 鄭 | 趙 | 齊 |
| 周 | 楚 | 燕 | 秦 | 魏 | 韓 |
| 晉 | 代 | 司非 | 司危 | 司祿 | 司命 |
| 天津 | 危宿 | 墳 | 室宿 | 奚仲 | 鈞 |
| 車府 | 哭 | 泣 | 造父 | 蓋屋 | 虛梁 |
| 天璽 | 敗白 | 人星 | 杵白 | 士吏 | 天錢 |
| 騰蛇 | 天海 | 雷電 | 雲雨 | 霹靂 | 北落 |
| 天剛 | 八魁 | 鈇鎖 | 壁宿 | 羽林 | 王良 |
| 策 | 土公 | 廐 | | | |

星經卷上


漢石公著

南昌李溶校

原缺文一張


四輔

四輔四星抱北極樞星主君臣禮儀主政萬機輔弼佐理萬邦之象輔佐北辰而出入授政也




六甲六星在華蓋之下扛星之旁主分陰陽而配於節候出入故在帝座旁所布政教而授農時也

鈞陳



鈞陳六星在五帝下為後宮大帝正妃又主天子六軍將軍又主三公若星暗人主凶惡之象矣

天皇




天皇大帝一星在鈞陳中央也不記數皆是一星在五帝前坐萬神輔錄圖也其神曰耀魄寶主御羣靈也

柱下




柱下史在北辰東主左右史記過事也

尚書




五尚書在東南維主納言夙夜諮謀事也

內厨




內厨二星在西北角主六宮飲食后妃第宴飲厨府也

天床




天床六星在宮門外聽政之前亦主寢宴會讌息床星傾天子不安失位也訣曰大入紫微宮中天下大亂帝王失位

北斗



北斗星謂之七政天之諸侯亦為帝車魁四星為璇璣杓三星為玉衡齊七政斗為人君號令之主出號施令布政天中臨制四方第一名天樞為土星主陽德亦曰政星也是太子像星暗若經七日則大災第二名璇主金刑陰女主之位主月及法若星暗經六日則月蝕第三名璣主木及禍亦名令星若天子不愛百姓則暗也第四名權主火為伐為天理伐也無道天子施令不依四時則暗第五名衡主水為助四時苟然有罪天子樂淫則暗第六名闔陽主木及天下倉庫五穀第七名璣主金亦為應星訣曰王有德至天則斗齊明國昌總暗則國有災起也右斗中子星少則人多姪亂法令不行木星守貴人繁天下亂也火星守兵起人主災人不聊生棄宅走奔諸邑守斗西大饑人相食守斗南五果不成五星入斗中國易政又易主大亂也彗字入斗中天下改主有大戮先舉兵者各後舉兵者昌其國主火災甚於彗之禍右有守之咎重細審之所守樞入張一度去北辰十八度也衡去極十五度去辰十一度

華蓋



華蓋十六星星在五帝座上正吉帝道昌星傾邪大凶扛九星為華蓋之柄也上七星為庶子之官若星明主匡天下不明主亂期八年國無主也

五帝座




五帝內座在華蓋下覆帝座也五帝同座也正色上吉色變為凶也

御史




御史四星在鉤陳北主天子八十一御女妃也后之官明吉暗凶也

天柱




天柱五星在紫微宮內近東垣主建教等二十四氣也

女史




女史一星在天柱下史北掌記禁中傳漏動靜主時要事也

陰德




陰德二星以太陰在尚書西主天下綱紀陰德惠遺周給賑財之事

大理




大理二星在宮門內主刑獄事也自北極已下五十星並在紫微宮內外占曰彗字入中宮有異姓王火星入守北極臣下煞君木星入守北極國有大哀若分守久有逆臣反亂土星犯乘之大人當之太子有罪五星聚在中宮改立帝王五星及客犯守鉤陳者大臣凶所守犯之座皆受其殃咎也

輔星




輔星像親近大臣輔佐興而相明若明大如斗者則相奪政兵起若暗小則死免官若近斗一二寸為臣迫脅主若五六寸遠客及彗字入斗中諸侯爭權逼天子月暈斗大水入城兵起主有敵北斗第六七損角第四五六指南第一二指背二十有九星

內階



內階六星在文昌北階為明堂頭

文昌



文昌七星如半月形在北斗魁前天府主營計天下事其六星各有名六司法大理色黃光潤則天下安萬物成青

黑及細微多所殘害搖動移處三公被誅不然皇后崩文昌與三公攝提軒轅共為一體通占木土星守之天下安
大星守國亂兵起金星守兵大起若彗星流星入之大將返叛亂也

三公

三公三星在斗柄東和陰陽齊七政以教天下人一星亡天下危二星亡天下亂三星亡天下不治也

天樞

天樞五星不用明明則天下兵起斧鉞用槍楛八星皆以備非常也八氏一度去北辰二十八度

天槍

天槍三星在北斗柄東主天鋒武備在紫微宮右以御也

傳舍

傳舍九星在華蓋參仲北近天河主賓客之館客星守之兵起今四方館也

天厨

天厨六星在紫微宮東北維近傳舍北百官厨今光祿厨像之星亡君子賣衣民人賣妻子大饑客守之大饑荒

天一

天一星在紫微宮門外右星南為天帝之神主戰鬪知吉凶星明吉暗凶若離本位而乘斗後九十日必兵大起也
光明陰陽和也萬物感天子吉星亡天下亂大凶也

太一

太一星在天一南半度天帝神王使十六神知風雨水旱兵馬饑饉疾病災害之在其國也星明吉暗凶離本位而
乘斗者九十日必兵大起也太一星入軫十度去北辰十五度半太一星去北辰十一度

天牢

天牢六星在北斗魁下貴人牢占與貴索同主禁思慕姦志大星守人之人民相食之應有赦也
東方七宿三十二星七十五度并中外宮輔座等

角宿

角二星為天門壽星金星春夏為大秋冬為水蒼龍角也東方首宿南左角名天津蒼色為列宿之長北右角為天
門黃色中間名天關左主天田右主天祗十三度八月日在北南去北辰九十一度凡日月五星皆從天關行此為
黃道入黃道為旱其角南二度為太陽道入陰道為水角宿北二度為陰道角宿直指辰即是耕種次為農官若明
大王道太平若暗及亡角搖動王者失政星微小國弱失政王道不行春日月入角暈者王失政日月角中蝕者其
邦不甯木室守七日有赦忠臣用大星守忠臣賢相受誅縉常貴有鬪戰萬兵起期以日宮中盜賊內亂火守角
宮道不通大環繞鉤已者國大饑大犯之必戰火守左角大尉死國危守右角五穀不熟大水災犯左右角群臣謀
戰不成伏誅土守內主喜六十日國有忿爭金守天下兵大盛國有爭事金大合守太白居後被軍將殺水守王者
刑罰急有水災疫疫客彗守八角色白者國有兵起及大喪亦軍敗城陷客守四十五日旱五穀焦風雨不時蝗蟲
起星流出角門天子發使出外從他宿入角門外國使人中京或為近臣殺主戰死月蝕英惑有亂臣在宮非賊而
盜月入天市及河而暈三重兵起天下道斷軍將失利

天理

天理四星在北斗杓中主貴人牢為執法官星不欲明明則貴人被罪

鬼

星經

曰

執法

執法四星在太陽首西北主刑獄之人又為刑政之官助宣王命內常侍官也

太陽

太陽守在西北主大臣人備天下不虞事星明吉暗凶星移天下兵起中國不安之應也入張十三度北極四十五度

相

相星在北極斗南總領百司掌邦教以佐帝主安撫國家集眾事蒙宰之佐星明吉暗凶亡相必不然流出太陽入張十三度去北辰四十五度相入異一度去北辰三十一度

平道

平道二星在角間主路道之官

進賢

進賢一星在平道西垣御相薦舉逸士學官等之職也星明賢士用進暗小人用

天門

天門二星在左角南主天門侍宴應對之所


天田

天田二星在角北主天子畿內地左對壇界城邑邊塞

周鼎

周鼎三星足狀云鼎足星在攝提大角西主神鼎

庫樓



庫樓星二十九星庫樓十五柱十五星衡四星在角南軫東南次器府東一曰天陣兵車之府中繁眾則大兵起庫中無生下臣逆謀兵盡出天下無安居者庫中柱動兵戈四出夷狄柱半不具天子自將半兵出木星守人饑米貴西入軫一度去北辰四十九度昏中西去北辰八十九度

左攝提

右攝提

攝提六星在角亢東北主九卿為甲兵攜紀綱建時節祥太星守天下更主金星守兵起

大角

大角一星天棟在攝提中主帝座金星守兵大起月蝕王者惡忌之入亢三度半去北辰五十九度也


帝席

帝席三星在大角北星暗天下安星不欲明明則王公凶


亢池

亢池六星在亢北主度送迎之事


折威




折歲七星在亢南王詔獄斬殺邊將死事




陽門二星在庫樓東北隘塞外寇盜之事




陣車三星在氐南王革車兵車



亢四星名天府一名天庭總領四海名大星春夏水秋冬金暗國內亂弱大明天下安甯日月蝕亢中國有事五星犯亢逆行君憂失國大臣不用木星守留三十日已有赦年豐久守其國米貴人多疾病水災木與大星同穀不成人死如草木水火大星守多雨天下兵盡返大起水星守其分米貴久守多病大火災也土星守萬物不成多病金星守天下道不通兵起盜賊水火傷人金星行入南上道五穀傷赤色早人流走彗孛犯之其國兵起大臣作亂一年月暈圍光士卒自將日里不遂士卒死




梗河三星梗在大角帝座北主天子鋒入主胡兵及喪訣曰梗河云也相去吉相向兵起客守世亂矣




騎官二十七星在氐南主天子騎虎貴諸侯之族子弟宿衛天子令三衛之像星眾天下安星少兵起五星守之兵起西北入北辰一百十五度

車騎將軍


車騎將軍星在騎官東南主車騎將軍之官




車騎三星在騎官南總領車騎行軍之事




西咸四星在氐東主治淫佚南星入氐五度去北辰九十三度



七公七星在招搖東氐北為天相主三公七政善惡星明則眾議詳審星入河中米貴人相食金星守天下兵起亂西星入氐四度去北辰四十九度



積卒前下積卒星十二在氐東南星微小吉如大明及搖動主朝廷有兵微小吉一星亡兵半出二星亡兵大半出三星亡兵盡出五星守兵起星西入氐十三度去北辰一百二十四度



房四星名天府管四方一名天旗二名天駟三名天龍四名天馬五名天衡六為明堂是太室春夏水秋冬火房為四表表三道日月五星常道也上第一星名為右服次將其名陽環上道二星名右驂上相其名中道三名左服次將其名下道四名左驂上相總四輔左驂左服云東方及南方可用兵右驂右服云西方北方不可用兵

平戈

平戈一星在招搖北一名臣戈五星守兵起星明動胡兵起入氏一度去北辰四十二度

招搖

招搖星在梗河北主胡兵芒角動兵單起行入氏二度去北辰四十一度

顛頊

顛頊二星在折威東南主治獄官拷囚情狀察真偽也

氏宿

氏四星為天宿宮一名天根二名天符木星春夏木秋冬水喜皇后妃嬪前二大星正妃後二左右大明為臣奉事君甯暗失臣勢動臣出國日月氏中君犯惡之木星守之后喜守二十日有王者之所行不利疾則治遲行臣職主守必有諸侯並王太守大臣相譖逆行而赤色大臣亡守六十日有大赦大星入之有賊臣為亂近期一年遠二年金星守者有兵起將軍有封爵者火之位水守有大水漂浸宮館萬物不成水入貴臣憂有獄事客守布帛貴主星守有立太子久守八十日已上國有兵起彗孛行入氏中後宮有異兵動不出一百八日內遭水東平月暈圓氏大將軍殃人多疾病

鈞鈴

鈞鈴二星主法去房宿七十第一名天健二名天宮蓋開藏若近夫妻同心遠者夫妻不和大明則羣臣奉職天下道治暗則羣臣亂政王道不行日月蝕房中王者亂昏大臣專權木星守天下和平留四十五日五穀豐人安吉無疾病天子有令德期在四月金星守有兵起七月有大喪及赦十日守大夫災二十日不去必臣及及君子天子憂亂王者惡之天下兵旱守止一日大臣亂土星守有妾王亦亂旱及地動及守其有兵全守陪脇君大有上功事國

亂布帛貴久守人饑易主太守姦臣謀王大臣相譖暴誅臣佐天下乖離若出房心中間地動客守米貴十倍日月五星犯之色青圓憂兵喪色白大兵相殺積尸如邱彗孛入房國危人亂相殘流星入房西行為枉天王殺忠臣臣殺主輔臣亡遠期三年常以三月候房日月出表南大旱喪出表北災及萬里兵亂陰雨若出中道太平許徐潁州月暈圍房心災及凶五度九日此上去北辰一百四度半

罰

罰三星在東咸西下西北而列主受金罰贖市布租也

東咸

東咸四星在房東北主防淫佚木在北首而搖動天子淫佚過度星南入心二度去北辰一百二度也後則不過百八十日遠則不過三年起於宋汴等州

天乳

天乳星在氏北主甘露十五度十二中西南星去北辰九十六度此伴屬前項天乳別

貫索

貫索九星在七公前為賤人牢牢口一星為門門欲開開則有赦若赦主人憂若牢門閉及口星入牢中有自絞死者以五子日夜候之一星亡有喜事二星亡有爵事三星亡有赦庚期八十日丙辛期七十日戊壬期六十日星入河中人相食若九星總見獄事煩水星守水災火星守米貴有大星出牢大赦小星即小曲恩降慮口舌右星入尾一度去北辰五十五度也

巫官

巫官二星在房西南主醫巫之職事也

星經

七

漢魏叢書

天福三星在房西主鑿駕乘輿之官也

鍵閉

鍵閉星在房東北主鑿鑿星不欲明明則內亂門扉不禁姦淫至行於女也

心宿

心三星中天王前為太子後為庶子火星也春夏木秋冬水一名太火二名大辰三名鶉火中星明太赤為照天子德行暗小失常色為主微弱不能自斷星不欲直直則主失計動搖天子憂木星守天下安久守而絕犯者臣謀主大兵起火星守地動守二十日臣謀主色黑主崩之像土守聖帝出謀臣天下太平有云國有故久守不去憂賊天下大旱有金星守山崩四方兵起久守二十日已上去心三寸兵起鈞戰上殿期八十日亦有太蟲災人饑火也水星犯有水災及旱兵起布帛貴客守犯大旱赤地千里日月五星經心失積赤暈虹蜺背向蝕人飢兵起臣反國易主喪大臣使客月貫心內亂彗孛入心主憂有喪大臣廢黜心變期多不過七日之應也

天市



天市垣五十六星在房心北主權衡一名天旗大明則未貴市中星眾則歲實五星入市門則兵起芒角色赤赤氣入大災火守未貴所守坐犯皆當之門左星入尾一度去北辰九十四度也


候

候星在市東主輔臣陰陽法官明則輔臣強小暗輔微弱入箕三度去北辰七十二度

宦官

宦官四星在帝座西南侍帝之傷入尾十二度

斗



斗五星在官星西南主稱量度明斗西後則豐若斗亡仰不熟入尾十度

宗人

宗人四星在宗政東主司享先人星動帝親致憂

宗正

宗正二星在帝座東南主宗正卿大夫暗室位室族有事


星經卷下

屠肆



屠肆二星在帛度北主屠戮之位也

市樓



市樓六星在市門中主關闕之司今市曹官之職

斛



斛四星在北斗南主斛食之事已上諸星並在中也

漢魏叢書

星經

女床

女床三星在天紀北主後宮生女事侍帝及皇后明則宮人自恣入箕一度去北辰五十三度

帝座

帝座一星在市神農所貴色明潤天子威令行微小凶亡大惡之入尾十五度去北辰七十一度

宗星

宗二星在候東主宗室為帝血脉之臣錄皇家親族等級星明則族有序暗則族有憂

列肆

列肆二星在斛西北主貴珍寶金玉等也

東肆

東肆二星在宮門門垣左星之西主市易價直之官

帛度

帛度二星在宮星東北主平量也

天紀

天紀九星在貫索東主九卿萬事綱紀掌理怨訟與貫相連有索即地動期二年星不欲明即天下有怨恨生亡則國政壞西入尾五度去北辰五十一度

天棒

天棒五星在女床東北主忿爭刑罰以禦王難備非常明大有憂微小吉不用明火星守兵起入箕八度去北辰十

二度春夏大秋冬水主八風之始一名析木

天維

天維三星在尾北主杓後若星散則天下不復合也

天江

天江四星在尾北主太陰明動大水不禁兵起不具天下津梁不通南星入尾六度去北辰一百一十一度

天龜

天龜六星在尾南漢中主卜吉凶明君臣若大星守旱澇災入尾十二度去北辰一百四十一度

天魚

天魚一星在尾河中主雲雨理陰陽明河海出天魚搖暴水災大星守南旱北水

神宮

尾宿

龍尾九星為後宮第一星后次三天人次九嬪次嬪妾一名后族水星也二風后三天維四天狗五太廟皆欲明大小相承則宮多子孫傳說一星在尾第二星東二寸小者是其星明則輔臣忠政暗則陪臣亂邦木星守尾三太子三十日必后族逆兵要賣權臣亂國大星守兵相向大臣憂大與水合守箕尾間名江口必有赦苦勝踊折絕者天下亂及旱災土星守

宮有廢黜土入魚鹽貫兵起大將出征土大金星守淮土客合星入守人亂大臣變易失政水守入天下水災江河決魚米貴客守賊暴貴客入天下大饑荒亂人相食疫疫死竄他方不耕織君子貧衣小人賣妻子日月蝕於尾貴臣中相刑反暈虹蜺背向尾將相憂亂后有喪書守行犯貴臣誅內寵亂政幽州定莫逾東等之應也

箕宿

箕四星王後別府二十七世婦八十一御女為相天子后也亦為天漢九江口主梁在漢邊金星春夏金秋天土其
后動有風期三日也前二星為后也箕入河中大飢人相食其前亦名糠星大明歲豐小微天下飢荒天下無米
木守宮有口舌大星守天下飢久守環繞成鉤已大臣被誅大守大水災平溢澤若十月守之大水米倍飢土水
二星守萬物不成飢久守兵起或米貴或救金星入守兵起有救更主久守風旱防內亂兵起攻政水星守穀不豐
入大人憂客守天下大飢米貴七倍人相食流亡他邑不耕織色赤大風雨亂客在南旱計日月五星入之中天
下兵起滄洲洛陽冬夷廣陵等應之也

建星

建六星在南斗北天之都關三光道也主司七耀行得失十一月甲子冬辛大應治政之宿所起也木星守水災米
貴多病金星守萬物不成久惡等守惡水
星守人飢四星入斗七度去北辰一百十三度

天弁

天弁九星在建北近河為市官之長暗凶無萬物明大萬物興眾主市易也

狗

狗二星在斗魁前主卿臣移處卿臣為亂

狗國

狗國四星在建東南主鮮卑烏丸明邊兵起也

天籥

天籥七星在斗杓第二星西主鎮籥關閉明吉暗凶災

蟹

天蟹十五星在斗南主太陰水蟲不在漢中有水大災白衣食年大人喪大守旱水星即水災右入斗一度去北辰
一百二十七度

漸臺

漸臺四星屬織女東足主君漏律呂陰陽事

輦道

輦道五星屬織女西足主天子遊宮嬉樂之道也

杵

杵三星在箕南主杵臼舂米事星動人失金甌修橫大饑荒客守之天下饑北星入箕一度去北辰一百四十三度

農


農丈人一星在斗南主農官田政司農卿等之職
北方七宿三十五星九十八度七十五分五十秒

斗宿

南斗六星主天子壽命亦云宰相爵祿之位巫咸氏云水星春夏木秋冬水一名天斧二名天關三名天機大明主


道和平將相同心帝命壽天下安暗大臣失位天下驚若動搖國失忠臣天下愁木守六十日大臣增壽爵祿木逆行入魁中大臣逆久守兵起水災大飢人相食大守國有內變相輔不安兵起大逆行順守者及遠城鉤已將相崩死國災久守國絕嗣土星守入斗中有王者不用兵昇大位守之九十日兵起水災金星守執法大臣作逆國亂兵起有敵大金星俱入斗中名曰鑠必有臣子逆久留遲大經過速出者禍難速平水星守水災大入斗兵起於吳越人大飢守客有兵絕道卒有大水賊盜多亂喪弟攻兄子殺父或主崩未貴久守國絕嗣客守第二星大水人相食客赤色入斗中兵起軍將以日月入斗大臣失位或被戮若斗中蝕者日帝惡月后惡暈圓斗之分入流千里江池丹楊越廬洪地等應也

天泉



天泉十星在蟹東一曰大海主灌溉溝渠之事也

織女




織女三星在天市東端天女主衣果絲帛收藏珍寶及女變明大天下平和常以七月一月六七日見東方色赤精明女功善一星主兵起女人為役常向扶匡即善不向則絲帛倍貴大星守布帛貴兵起十年乃息公主憂客守絲帛等貴入口二十七度去北辰五十二度也

牽牛




牽牛六星主關梁上星主道路中主牛木星春夏木秋冬火中央大星為政始日月五星行起於此皆攝星遠漢天下牛貴明亦貴暗小賊入漢中牛疫死直米穀價平曲米貴失常色于多灰穀不成木星守天下和平久守水災人凍死米貴賣子虎害人臣謀主木逆久守有水道不通大星守老臣逆牛貴十倍人相食兵起將軍死大水災津梁不通土星守臣謀主君有失位臣金星守地氣泄兵起至城天下人多死水守辰常以冬朝牽牛若不朝來年五穀不熟大水損害客守二十日兵起彗守行牛中吳越有自王者彗出牛中七十日有政更像虹蜺出牛必有壞城臨淮月暈圓牛損小兒災變也八度八月昏中辰去北辰一百十度

扶匡



扶匡七星在天柱東主桑蠶之事

天雞



天雞二星在狗國北主異鳥火星守兵起土守人飢相食流亡

河鼓



河鼓三星中大星為大將軍左星為左將軍右星為右將軍星且吉為羽軍幹能曲即凶為失計奪勢左右旗各九星並在牛北枕河主軍鼓達者聲音設守險以旗表亡動兵起左旗黑色主陰幽之處備警急之事河鼓有芒角為將軍雄強百戰也

天桴




天桴四星在左旗南北列主漏刻天桴若暗漏刻失時明則得所吉

九坎



九坎九星在牛南主溝渠水流通明災起暗吉五星守及犯之水泛溢西入斗四度去北辰一百二十六度

天田



天田九星在牛東南王畿內田苗之職

羅堰

二星在牛東星不明暗吉大明馬被水淹浸

女宿

須女四星主布帛為珍寶藏一名婺女天女水星春夏水秋冬大明女功有就天下甚熟小暗天下不足庫藏空虛日月蝕女中天下女功不為邦憂患木星守歲多水有喜女主人多凍死大星守產婦多死布帛貴蒙土星守人相嫉惡有錢人暴貴存女喪金星守臣下謀主兵起人多死女多寡府藏出珍帛水星守有水災萬物不成布帛貴客守諸侯進妓女布帛貴有女暴貴慧字行犯國兵起女亂常海西郡婺州台州等月暈圍王女死也十二月日在此二月日中西星去北辰一百六度

離珠

五星在女北主藏府以御後宮移則亂西八女一度去北辰九十四度也

瓜瓠

瓜瓠五星在離珠北敗瓜五瓜南星明大熟主陰謀後宮天子果園星不具搖動有賊害人木水客星等守魚鹽貴瓜瓠八女一度去北辰七十一度

瑞瑜

三星在秦代東南列北主王饑衣食

虛宿

虛二星主廟堂哭泣金星春夏水秋冬金一名名枵二名顛顛三名大卿亦曰臨官星欹枕斜上下不比則饗祀失禮木星守昭穆失序人飢多病木星與土合守名陰陽盡為大水災魚行人道民流亡不居其處期三年當大旱赤地千里大星守赤地千里女子多死萬物不成有土功役天子愁兵久守人飢米貴十倍土守風雨不時大旱多風米貴金星守臣謀主國政急兵起殺人流血水星守旱萬物不成客守其分有災疫若凌犯環繞鈞已國亂慧字行犯久有兵人相殺流血如川屍如丘大星如半月守名天賊為帝王者奉郊廟以銷災齊州日圍虛兵動人飢

越

一星在婺女之南

鄭

一星在越星南

趙

二星在鄭之南

齊

二星在越星南

周

二星在越星東

楚

二星在魏星南

燕

漢魏叢書

燕一星在楚星南

秦

秦二星在周星東南

魏

魏二星在韓星北

韓

韓一星在晉星北

晉

晉一星在代星西北

代

代二星在秦星南

右件星色黑變動流亡五星凌犯則其國各當谷也

司非

司危

司祿

司命

司命司祿司危司非各二星已上在虛北司祿次司命北司危次司祿北司非次司危北

右各主天下壽命爵祿安泰危敗是非之事

天津

天津九星在虛北河中主津清津梁知窮危通濟度之官星明動兵起參差米貴星天津不通三河水為害星移河

溢覆赤氣入之旱災黃白氣入天子有令德大星守天下大亂及早西入牛二度去北辰四十九度也


危宿

危三星主宮室祭祀土星春夏水秋冬火動而暗天子宮室土功事興

墳

墳墓四星在危下主山陵悲慘事暗失本位小不見則山陵毀梓宮割割事也日月蝕危中主宮殿崩陷大臣殺天下作逆木星守祀不敬天子別造宮室土火守人多役死不葬歲儉南方有兵久守東火兵逆國敗政人飢旱米貴十倍土星守土功起是損急兵金星守罷兵將軍喜慶水星守臣下亂謀敗破被刑法官有憂國有水災日月五星入天下亂來年大飢客守王侯主國政事米貴彗孛行犯國返兵起流星入天下不安近年遠三年蔡州太原郡月暈圍邑人多病

室宿




營室二星主軍糧離宮上六星主隱藏木星春夏大秋冬水一名宮二名室明國昌動搖兵出起日蝕室中王自將出征不伏月蝕歲飢百姓絕種上六星名離宮主六宮妃后位為掖求若危乘守八城鈞已環繞左右逆行往來於宮者為妃后廢黜或主崩后黨被誅或宮女外通以時占之木星守在南東有善事北即憂西米貴大星守將軍凶久守成鈞已者主失官位大臣陰謀憂旱米貴十倍大臣作逆守經二十日已上至久九十日臣亂殺君篡位天子惡之土星守主陰造宮室起王功將軍益封舍星守兵革散久守軍兵滿野水星守水災民為主欲敗亡候之不出四十客守有軍出失兵法主民得地人米貴人散彗孛星出天下亂國易政卒為績廣政彗孛字犯之前起兵者為弱亦不守闔戰必敗淫衛甘秦州月暈圍室壁下人謀成起謀不成婦兒多病死者應之時取占之應也

吳仲


吳仲四星在天津北帝王東宮之官也

鈞




鈞九星在造父西河中星移主地動之應也

車府



車府七星在天津東近河主官車之府也

哭




哭二星在虛南主死哭之事

泣



泣二星在哭星東已上並主死悲泣之事

造父




造父五星在傳舍南主御女之官則馬貴

蓋屋



蓋屋二星在危宿南主宮室之事也

虛梁



虛梁四星在危南主國陵寢廟

天壘



天壘十三星如貫索狀在哭泣之南主北夷丁零匈奴之事也

敗臼




敗臼四星在虛危南主政治如哭泣亡人賣釜甑出鄉宅客守人亂西南入女十三度去北辰一百三十一度

人星




人五星在危北主天下百姓亡官有詐偽作詔勅之人為婦人凶亂者也

杵臼



杵臼星在人偏主春軍糧臼四星在杵下若杵臼不相當軍事飢臼仰歲熟豐傾覆大饑也

土吏




土吏三星在室西南主備設司過農事

天錢




天錢十星在虛梁南主錢財庫聚天下財物庸調之輩司今左右庫藏是也

騰蛇




騰蛇二十三星在室北枕河主水蟲暗國安移南大旱移北大水客守水災頭入室一度去北辰五十度也

天海



天海十星在壁西南五星及客守之水涌溢浸溺人邑

雷電



雷電六星在室西南主興雷電也

雲雨

雲雨四星在雷電東主雨澤萬物成之

霹靂

霹靂五星在雲雨北主天威擊擊萬物

北落

北落師門一星在羽林軍西主候兵星明大而角軍兵安小暗天下兵五星犯兵起金水木星守尤甚木土犯吉火
星守人兵羽不可固國後朝亡八危九度去北辰一百二十度

天剛

天剛二星在北落西南主天繩張漫野宿所用也

八魁

八魁九星在北落東南主獸之官五星及客守之兵起金大星守尤凶甚

鉄鎖


鉄鎖三星在八魁西北一名鉄斧主斬刈亂行誅誑詐偽入暗吉移處兵起

壁宿

東壁二星主文章圖書也土星春夏金秋冬土一名天術失色大小不同天子將封鄙土而失天下過日蝕壁中國
不用賢士失文字月蝕壁中大臣憂文者死木星守五經任人被用朝廷興大星守大臣謀君歲旱不熟米貴不
顯內外勝政兵起土星守久賢臣國用文章道術興行國君延壽天下豐熟太平大星入中街君崩五日則相費若

不死則流散吉星守逆行入壁萬物不成守經九十日已上大兵起百姓有王者金星守天下不通王者急刑罰
有兵大臣憂水守水災道不通客守多風雨及水災臣下賊王者政刑事內明通明有政事內清月暈厚其久國亂
彗守行犯兵起火守火災太廟門天下有兼并者辟明王道興有君子在位星暗王道衰人得用武蘭涼衛州等分
也

羽林



羽林軍星四十五星彙辟十二星並在室南主翊衛天子之軍入安飛將星欲威明天下安星暗兵盡失西入室五
度去北辰一百二十三度也

王良

王良五星在奎北河中為御馬官漢中四星天駟旁一星名王良王疾及路為天橋主急兵也星不具津河不通移
向四方隨方有兵起也


策

策一星在王良前為天子僕策御馬占云王良策馬軍騎滿野大兵起大守良兵起明則馬賤暗即馬貴西入壁半
度去北辰四十二度

土公

土公二星在壁南主營造宮室起土之官等類也

廐



天廐十星在壁北主天子馬坊廐苑之官也

識

右星經一卷原本題漢甘公石申著文獻通考亦作甘石星經按史記天官書總論首之傳天數者在齊甘公魏石申徐廣注甘公名德本是魯人正義引七錄云甘公楚人戰國時作天文星占八卷石申魏人戰國時作天文八卷明二人各撰有星經不得以甘石合稱且非漢人也前漢書天文志於歲星及太歲在某支下俱並載甘石氏氏說明二家占候各有不同史記索隱於天官書歲星監德及天棊星下引漢志亦已分別言之則二家書之不得混而為一抑又明矣今既不辨為何人所作即以甘石並稱亦可但據通考晁氏說甘石星經是以日月五星三垣二十八舍恒星圖象次舍有占訣以候休咎乃考後漢郎顛所上封事引石氏經歲星出左有年出右無年又後漢天文志注引星經歲星主泰山徐州青州兗州冀州主霍山揚州荊州交州鎮星主嵩高山豫州太白主華山涼州雍州益州辰星主恒山冀州幽州并州今皆不見此文并無一言及五星者又豈皆在原缺文中耶唐志又有石氏星經薄讚一卷館閣書目以其有徐顛著古州名疑後人附益陳振孫云此書明言依甘石巫咸氏則非專石申書也然則此書中有徐顛定墓宋汴江池等州又母乃即石氏星經薄讚耶大抵諸星占書莫精於甘石而諸史天文志注又多引石氏經能就此經按五星三垣二十八舍恒星更加附益而以石氏主名斯為得之汝上王謨識

荆楚歲時記

晉宗慄著

金谿熊

正月一日是三元之日也春秋謂之端月鷄鳴而起先於庭前爆竹以辟山臊惡鬼按御覽引作山魃按神異經云西方山中有有人焉其長尺餘一足性不畏人犯之則令人寒熱名曰山臊以竹著火中爇煙有聲而山臊驚憚元黃經所謂山獵鬼也俗人以為爆竹起於庭燎家國不應濫於王者長幼悉正衣冠以次拜賀進椒柏酒飲桃湯進屠蘇酒膠牙錫下五辛盤進數子散服却鬼丸各進一鷄子造桃板著戶謂之仙木凡飲酒次第從小起按四民月令云過臘一日謂之小歲拜賀君親進椒酒從小起椒是玉衡星精服之令人身輕能老栢是仙藥成公子安椒華銘則曰肇惟歲首月正元日厥味惟珍蠲除百疾是知小歲則用之漢朝元正則行之桃者五行之精厭伏邪氣制百鬼也董勳云俗有歲首用椒酒椒花芬香故承花以貢樽正月飲酒先小者以小者得歲先酒賀之老者失歲故後與酒周處風土記曰元日造五辛盤正元日五重鍊形五辛所以發五藏之氣莊子所謂春月飲酒如蔥以通五藏也數子散出葛洪煉化篇方用栢子人麻人細辛乾薑附子等分為散并華水服之又方江夏劉次卿以正旦至市見一書生入市眾鬼悉避劉問書生曰子有何術以至於此書生言我本無術出之日家師以一丸藥絳囊裹之令以繫臂防惡氣耳於是劉就書生借此藥至所見鬼處諸鬼悉走所以世俗行之其方用武都雄黃丹散二兩蠟和令調如彈丸正月旦令男女左女右帶之周處風土記曰正旦當生吞雞子一枚謂之練形膠牙者蓋以使其牢固不動今北人亦如之熬麻子大豆兼糖散之案練化篇云正月旦吞雞子赤豆七枚辟瘟氣又肘後方云白及七日吞麻子小豆各二七枚消疾疫張仲景方云歲有惡氣中人不方便死取大豆一七枚雞子白麻子酒吞之然麻豆之設當起於此梁有天下不食葷荆自此不復食雞子以從常則

帖畫雞戶上懸葦索於其上插桃符其傍百鬼畏之 按魏議郎董勳云今正臘旦門前作烟火桃神絞索松柏殺雞著門戶逐疫禮也括地圖曰桃都山有大桃樹盤屈三千里上有金雞日照則鳴下有二神一名鬱一名壘并執葦索以伺不祥之鬼得則殺之應劭風俗通曰黃帝書稱上古之時兄弟二人曰荼與鬱住度朔山上桃樹下簡百鬼鬼安搢人援以葦索執以食虎於是縣官以臘除夕飾桃人垂葦索虎畫於門效前事也

又以錢貫繫杖脚迴以投葦掃上云令如願 按錄異記云有商人區明者過彭澤湖有車馬出自稱青洪君要明過厚禮之問何所須有人教明但乞如願及問以此言答青洪君甚惜如願不得已許之乃其婢也既而送出自爾商人或有所求如願並為即得後至正旦如願起晚乃打如願如願走入糞中商人以杖打糞掃喚如願竟不還也此如願故事今比人正月十五日夜立于糞掃邊令人執杖打糞堆云云以答假痛意者亦為如願故事耳

正月七日為人日以七種菜為羹謂之七寶羹或鑊金薄為人以貼屏風亦戴之頭鬢又造華勝以相遺登高賦詩 按董勳問禮俗曰正月一日為雞二日為狗三日為羊四日為猪五日為牛六日為馬七日為人正旦畫雞於門七日帖人於帳今一日不殺雞二日不殺狗三日不殺羊四日不殺猪五日不殺牛六日不殺馬七日不行刑亦此義也古乃磔雞今則不殺刑人於此日向辰門前呼牛馬雞豕來乃置粟豆於灰散之宅內云以招牛馬未知所出翦絲人者人入新年形容改從新也華勝起於晉代見賈充李夫人典戒云像瑞圖金勝之形又取像西王母戴勝也舊以日至七日諱食雞故歲首唯食新菜又餘日不刻牛馬羊狗猪之像而二日福施人雞此則未喻郭緣生述征記云壽張縣安仁山宋東平王鑿山頂為會人日望處刻銘於壁文字猶在老子云眾人熙熙如登春臺楚詞云日極千里傷春心則春日登臨自古為適但不知七日竟起何代晉代桓温參軍張望亦有

正月七日登高詩近代以來南北同耳北人此日食煎餅於庭中作之云薰火未知所出 立春之日悉翦絲為鷲戴之帖宜春二字 按宜春二字傳咸鷲賦有其言矣賦曰四時代至敬逆其始彼應運於

東方乃設鷲以迎至靈經謂之歧歧若將飛而未起何夫人之功巧式儀形之有似御青書以贊時者宜春之嘉社

正月十五日作豆糜加油膏其上以祠門戶先以楊枝插門隨楊枝所指仍以酒脯飲食及豆粥插著而祭之 按續齊諧記曰吳縣張成夜起忽見一婦人立於宅東南角謂成曰此地是君家蠶室我即此地之神明年正月半宜作白粥泛膏其上以祭我當令君蠶桑百倍言絕而失之成如言作膏粥自此後大得蠶世人正月半作粥禱之加肉覆其上登屋食之呪曰登高糜挾鼠腦欲求不來待我三蠶老則是為蠶逐鼠矣石虎鄴中記正月十五日有登高之會則登高又非今世而然者也

其夕迎紫姑以下將來蠶桑并占眾事 按劉敬叔異苑云紫姑本人家妾為大婦所妬正月十五日感激而死故世人作其形迎之呪云子胥不在云是其婿曹夫人已行云是其姑小姑可出於廁邊或豬欄邊迎之捉之覺重是神來也平原孟氏嘗以此日迎之遂穿屋而去自爾著以敗衣蓋為此也洞覽云帝嘗女將死云生平好樂至正月可以見迎又其事也俗云溷廁之間必須靜然後至紫姑雜五行書廁神名後帝異苑云陶侃如廁見人自云後帝著單衣平上幘謂侃曰二年莫說貴不可言將後帝之靈憑此姑而言乎

正月夜多鬼烏度家家植牀打戶振狗耳滅燈燭以禳之 按中記云此鳥名姑獲一名天地女一名隱飛鳥一名夜行游女好取人女子養之有小兒之家即以血點其衣以為誌故世人名為鬼鳥荆州彌多斯言信矣

正月未日夜蘆葦火照井廁中則百鬼走 元日至於月晦並為醮聚飲食士女泛舟或臨水宴樂 按每月皆有弦望晦朔以正月初年時俗重以為節也玉燭寶典曰元日至月晦今並醮食度水士女悉湔裳酌酒於水湄以為度厄今世人唯晦日臨河解除婦人或前

春分日民並種戒火草於屋上有鳥如鳥先雞而鳴架架格格民候此鳥則入田以為候

社日四鄰並結綜會社牲醪為屋於樹下先祭神然後饗其胙 按鄭氏云百家共一社今百家所社綜即共立之社也

去冬節一百五日即有疾風甚雨謂之寒食禁火三日造餠大麥粥 據歷合在清明前二日亦有去冬至一百六

日者琴操曰晉文公與介子綏俱亡子綏割股以啖文公文公復國子綏獨無所得子綏作龍蛇之歌而隱文公求之不肯出乃燔左右木子綏抱木而死文公哀之令人五月五日不得舉火又周舉移書及魏武明罰令陸翹

鄴中記並云寒食斷火起於子推琴操所云子綏即推也又云五月五日與今有異皆因流俗所傳據左傳及史記並無介子推被焚之事案周書司烜氏仲春以木鐸循火禁于國中注云為季春將出火也今寒食禁火即氣是

仲春之末清明是三月之初然則禁火蓋周之舊制陸翹鄴中記曰寒食三日醴酪又煮粳米及麥為酪搗杏仁煮作粥玉燭寶典曰今人制為大麥粥研杏仁為酪引錫沃之孫楚祭子推文云千飯一盤醴酪二玉豈是其事也

關雞鏤雞子鬪雞子 按玉燭寶典曰此節城市尤多鬪雞卵之戲左傳有季郈鬪雞其來遠矣古之豪家食稱畫卵今代猶染藍茜雜色仍加雕鏤遞相餽遺或置盤俎管子曰彫卵然後淪之所以發積藏散萬物張衡南都賦

曰春卵夏荷秋韭冬菁便是補無滋味其鬪卵則真知所出重仲舒書云心如石卵為體內藏以據其剛鬚鬪理也

打毬鞦韆施鉤之戲 按劉向別錄曰蹴鞠黃帝所造本丘勢也或云起於戰國按鞠與毬同古人踴蹴以為戲也古今藝術圖云鞦韆北方山戎之戲以習輕趨者施鉤之戲以練作縶纜相骨縶數里鳴鼓牽之求諸外曲末

有前事公輸子遊楚為舟戰其退則鉤之進則強之名曰鉤強遂以時越以鉤為戲意起於此涅槃經曰鬪輪骨輪索其秋遷之戲乎鞦韆亦施鉤之類也

三月三日士民竝出江渚池沼間為流杯曲水之飲 按續齊諧記晉武帝問尚書摯虞曰三日曲水其義何指答曰漢帝時平原徐肇以三月初生三女而三日俱亡一村以為怪乃相攜之水濱盥洗遂因流水以盥觴曲水起

於此帝曰若此談便非嘉事尚書即東晉曰摯虞小生不足以知此臣請說其始昔周公卜成洛邑因流水以泛酒故逸詩云羽觴隨波流又秦昭王三月上巳置酒河曲有金人自東而出奉水心劍曰今君制有西夏及秦霸

諸侯乃因其處立為曲水二漢相沿皆為盛事帝曰善賜金五十斤左遷摯虞為陽城令按韓詩云唯溱與洧方洹洹兮唯士與女方東簡兮注謂今三月桃花水下以招魂續魄祓除穢穢周禮女巫歲時祓除釁俗鄭注云今

三月上巳水上之類司馬彪禮儀志三月三日官民并禊飲於東流水上彌驗此日南岳記云其山西曲水壇水從石上行士女臨河壇三月三日所道遙處周處異傳注吳地記則又引郭虞三女竝以元巳日死故臨水以消

災所未詳也張景陽洛禊賦則洛水之遊長虞神全支乃園池之宴孔子云暮春浴乎沂則水濱禊祓由來遠矣是日取鼠麴汁蜜和粉謂之龍舌料以厭時氣

四月也有鳥名糶穀其名自呼農人候此鳥則犁耙上岸 按爾雅云鳴鳩鵲郭璞云今布穀也江東呼糶穀雀冥正論云夏扈趨耕鋤即糶脂元鳥鳴糶穀則其夏扈也

五月俗稱惡月多禁忌曝牀薦席及忌蓋屋 按異苑云新野唐憲嘗以五月曝席忽見一小兒死在席上俄失之其後寔子遂亡或始於此或問董勛曰俗五月不上屋云五月人或上屋見影魂便去勳答曰蓋秦始自為之

禁夏不得行漢魏未改按月令仲夏可以居高明可以遠眺望可以升山陵可以處臺榭鄭元以為順陽在上也今云不得上屋止與禮反敬叔云見小兒死而禁暴席何以異此乎俗人月諱何代無之但當喬之歸于正耳

五月五日四民竝躡百草又有鬪百草之戲採艾以為人懸門戶上以穰毒氣 按宗測字文度嘗以五月五日雞未鳴時採艾見似人處攬而取之用艾有驗師曠占曰歲多病則艾先生

是日競渡採雜藥 按五月五日競渡俗為屈原投汨羅日傷其死故立命舟楫以拯之舸舟取其輕利謂之飛鳧
一自以為水軍一自以為水馬州將及士人悉臨水而觀之邯鄲淳曹娥碑云五月五日時迎伍君逆濤而上為
水所淹斯又東吳之俗事在子胥不關屈平也越地傳云起於越王勾踐不可詳矣
是日競採雜藥夏小正此月當藥以蠲除毒氣

以五綵絲繫臂名曰辟兵令人不病瘟又有條連等織組雜物以相贈遺取鵲鵲教之語 按仲夏始出婦人染
練威有作粉日月星辰鳥獸之狀文繡金鏤貢獻所尊一名長命縷一名續命縷一名辟兵縷一名五色絲一名
朱索名擬其多青赤白黑以為四方黃為中央雙方綴於胸前以示婦人計功也此月鵲子毛羽新成俗好登
巢取養之以教其語也

夏至節日食糴 周處謂為角黍人竝以新竹為筒糴練葉插五綵繫臂謂為長命縷
是日取菊為灰以止小麥蠹 按干寶變化論云朽稻為蒼朽米為蛭蝶此其驗乎

六月伏日竝作湯餅名為辟惡 按魏氏春秋何晏以伏日食湯餅取巾拭汗面色皎然乃知非傳粉則伏日湯餅
自魏已來有之

七月七日為牽牛織女聚會之夜 按戴德夏小正云是月織女東向蓋言星也春秋斗運樞云牽牛神名畧石氏
星經云牽牛名天關佐助期云織女神名收陰史記天官書夏是天帝外孫傅元擬天問云七月七日牽牛織女
會天河此則其事也河鼓黃姑牽牛也皆語之轉

是夕人家婦女結綵縷穿七孔鍼或以金銀鑰石為鍼陳瓜果於庭中以乞巧有喜子網於瓜上則以為符應 按
世王傳曰竇后少小頭禿不為家人所齒七月七日夜人皆看織女獨不許后出有光照室為后之瑞
七月十五日僧尼道俗悉營盆供諸佛 按孟蘭盆經云有七葉功德竝幡花歌鼓果食送之蓋由此也經云目連

見其亡母在餓鬼中即鉢盛飯往餉其母食未入口化成火炭遂不得食目連大呼馳還白佛佛言汝母罪重非
汝一人奈何當須十方眾僧威神之力至七月十五日當為七代父母行禪定意然後受食是時目連母得脫一切餓鬼之苦目連白佛未
方大德佛勅眾僧皆為施主祝願七代父母行禪定意然後受食是時目連母得脫一切餓鬼之苦目連白佛未
來世佛弟子行孝順者亦應奉孟蘭盆供養佛言大善故後人因此廣為華飾乃至剝木割竹貽蠟剪絲模花葉
之形極工妙之巧

八月十四日民竝以朱水點兒頭額名為天灸以厭疾又以錦絲為眼明囊遮相餉遺 按述征記云八月一日作
五明囊盛取百草頭露洗眼令眼明也續齊諧記云宏農鄧紹嘗以八月日入華山採藥見一童子執五綵囊取
栢葉上露皆如珠滿囊紹問用此何為答曰赤松先生取以明目言終便失所在今世人八月日作眼明袋此遺
象也或以金薄為之遞相餉馬

九月九日四民竝藉野飲宴 按杜公瞻云九月九日宴會未知起於何代然自漢至宋未改今北人亦重此節佩
茱萸食餌飲菊酒云令人長壽近代皆宴設於臺榭又續齊諧記云汝南桓景隨費長房遊學長房謂之曰九
月九日汝南當有大災厄急令家人縫囊盛茱萸繫臂上登山飲菊酒此禍可消景景如言舉家登山夕還見
雜犬牛羊一時暴死長房聞之曰此可代也今世人九月日登高飲酒婦人帶茱萸囊蓋始於此

十月朔日黍矐俗謂之秦歲首 未詳黍矐之義今北人此日設麻羹豆飯當為其始孰嘗新耳禰衡別傳云十月
朝黃祖在滕臈上會設黍矐是也
仲冬之月采擷霜菰著菜乾之竝為鹹菹 有得其和者竝作金釵色今南人作鹹菹以糯米熬搗為未并
研胡麻汁和釀之石羊令熟道既甜脆汁亦酸美其菹為金釵股醒酒所宜也

十二月八日為臘日諺語臘鼓鳴春草生村人並擊細腰鼓戴胡頭及作金剛力士以逐疫 按禮記云儺人所以

逐厲鬼也呂氏春秋季冬紀注云今日臘前一日擊鼓驅疫謂之逐除晉陽秋王平子在荊州以軍圍逐除以鬪故也中記顯項氏三子俱亡處人宮室喜驚小兒漢世以五營千騎自端門傳炬送疫棄洛水中故東京賦云卒歲大儺毆除群厲方相秉鉞巫覡操列侏子萬童丹首製桃弧棘矢所發無算宣城記云洪矩吳時作廬陵郡載土船頭逐除人就矩之矩指船頭云無所載土耳小說孫興公常着戲頭與逐除人共至桓宣武家宣武覺其應對不凡推問乃驗也金剛力士世謂佛家之神按河圖玉版云天立四極有金剛力士身長三十丈此則其義

其日竝以勝酒祭竈神 按禮器竈者老婦之祭尊於瓶盛於盆言以瓶為樽益盛饌也許慎五經異義云顯項有子曰黎為祝融火正祝融為竈神姓蘇名吉利婦姓王名搏頰漢陰子方臘日見竈神以黃犬祭之謂為黃羊陰氏世蒙其福俗人競尚以此故也

歲前又為藏強之戲 按周處風土記曰醉以告蜡竭恭敬於明祀乃有藏強臘日之後雙姬各隨其儕為藏強分二曹以校勝負辛氏三秦記以為鈎弋夫人所起周處成公綏竝作強字藝經慶蘭則作鈎字其事同也俗云此戲令人生離有禁忌之家則廢而不脩

歲暮家家具有教詣宿歲之位以迎新年相聚甜飲留宿歲飯至新年十二日則棄之街衢以為去故納新也

識

右宗懔荆楚歲時記一卷文獻通考本作四卷其序略云傳元之朝會杜篤之上巳安仁秋興之敘君道娛蜡之述其屬辭則已洽其比事則未宏率為小記以錄荆楚歲時風物故事自元日至除日凡二十餘事謾嘗以唐人諸類書備載四時十二月令節而獨不及中秋為憾今者是記亦祇載八月十四日作眼明囊事於十五日亦無聞焉竊意自唐以前世俗尚無中秋故事不宜荆楚別有沿革也但如韓謬歲華紀麗所引是記於二月八日云釋氏下主之

日迦文成道之時信捨之家建入關齋戒車輪寶蓋七變八會之燈平旦執香花遶城一匝謂之行城於四月八日云諸寺各設香湯浴佛共作龍華會以為彌勒之徵而長沙寺閣下有九子母神是日市肆之人無子者供養薄餅以乞子往往有驗於七月十五日云是日僧尼坐苴為一歲云四月八日結夏至七月十五日解眾僧長養之節在外恐傷草木虫類故九日安居又七夕庭中乞巧下有或云見天河中有共共白氣或耀五色以為徵見便拜得福數語今本皆無之則是記文已多殘缺抑或如唐志所載荆楚歲時記原有宗懔杜公瞻兩本故所据不同耶而本記間引杜公瞻說則又似祇一書故通志藝文略以為宗懔撰公瞻注也今特抄補闕文并存其說於此汝上王謨識

耶采茗 耶采茗花末利花皆胡人自西國移植於南海南人憐其芳香競植之陸賈南越行紀曰南越之境五穀無味百花不香此一花特芳香者緣自別國移至不隨水土而變與夫橘北為枳異矣彼之女子以綵絲穿花心以為首飾

末利 末利花似薔薇之白者香愈於耶采茗

豆蔻花 豆蔻花其苗如蘆其葉如薑花作穗嫩葉卷之而生花微紅穗頭深色葉漸舒花漸出舊說此花食之破氣消痰進酒增倍秦康二年文州貢一筐上試之有驗以賜近臣

山薑花 山薑花莖葉即薑也根不堪食於葉間吐花作穗如麥粒軟紅色煎服之治冷氣甚效出九真文趾

鶴草 鶴草蔓生其花麴塵色淺紫葉如柳而短當夏開花形如飛鶴前翅尾足無所不備出南海云是媚草上有蟲老蛻為蝶赤黃色女子藏之謂之媚蝶能致其夫憐愛

甘藷 甘藷蓋薯蕷之類或曰芋之類根葉亦如芋實如拳有大如甌者皮紫而肉白甚饑食之味如薯蕷性不甚冷桂珠嶼之地海中之人皆不業稼惟掘地種甘藷秋熟收之蒸熟切如米粒倉圍貯之以充糧糧是名儲糧北方人至者或盛且牛承膾炙而末以甘藷薦之若粳粟然大抵南人二毛者百無一二惟海中之人壽百餘歲者由不食五穀而食甘藷故爾

水蓮 花之美者有水蓮如蓮而莖紫柔而無刺

水蕉 水蕉如鹿葱或紫或黃吳永安中孫休嘗遣使取二花終不可致但圖畫以進

狗醬 狗醬華友也生於番國者大而紫謂之華友生於番國者小而青謂之狗馬可以調食故謂之醬馬交趾九真人家多種蔓生

菖蒲 菖蒲番禺東有閩閩中生菖蒲皆一寸九節安期生採服仙去但留玉鳥焉

留求子 留求子形如梔子稜瓣深而兩頭尖似詞梨勒而徑及半黃已熟中有肉白色甘如棗核大如嬰孺之疾南海交趾俱有之

諸蔗 諸蔗一曰甘蔗交趾所生者圍數寸長丈餘頗似竹斷而食之甚甘管取其汁曝數日成飴入口消釋彼人謂之石蜜吳孫亮使黃門以銀碗并蓋就中藏吏取交州所獻甘蔗飴黃門先恨藏吏以鼠屎投飴中啟言吏不謹亮呼吏持飴器入問曰此器既蓋之且有油覆無緣於此黃門將有恨汝吏叩頭曰嘗從臣末莞席臣以席有數不敢與亮曰必是此問之具服南人云甘蔗可消酒又名干蔗司馬相如樂歌曰太尊蔗漿折朝醒是其義也秦康六年扶南國貢諸蔗一丈二節

草麩 草麩南海多矣酒不用麩釀但杵米粉雜以象草葉治葛汁滌漉之大如卵置蓬蒿中陰蔽之經月而成用此合糯為酒故劇飲之既醒猶頭執漉漉以其有毒草故也南人有女數歲即大釀酒既漉候又陂池竭時真酒罌中密固其上瘞陂中至春漉水滿亦不復發矣女將嫁乃發陂取酒以供賓客謂之女酒其味絕美

芒茅 芒茅枯時瘴疫大作交廣皆爾也土人呼曰黃茅瘴又曰黃芒瘴

肥馬草 南方冬無積藁瀕海郡邑多有草葉類梧桐而厚取以秣馬謂之肥馬草馬頗嗜而食果肥壯矣

又葉 又葉薑葉也苞直物交廣皆用之南方地熱物易腐敗惟冬葉藏之乃可持久

蒲葵 蒲葵如柝欄而柔薄可為葵笠出龍川

乞力伽 藥有乞力伽木也瀕海所產一根有至數斤者劉涓子取以作煎令可丸紺之長生

賴桐 賴桐花嶺南處處有自初夏生至秋蓋草也蓋如桐其花連枝葉皆深紅之極者俗呼貞桐花貞皆訛也

水葱 水葱花葉皆如鹿葱花色有紅黃紫三種出始興婦人懷妊佩其花生男者即此花非鹿葱也交廣人佩之極有驗然其土多男不厭女子故不常佩也

南方草木狀

蕪菁 蕪菁嶺嶠 南俱無之偶有士人因官攜種就彼種之出地變為芥亦橘種江北為枳之義也至曲江方有
松彼人謂之秦松

茄 茄樹又廣草木經又云不哀故蔬圃之中種茄宿根有三五年者漸長枝幹乃成大樹每夏秋盛熟則梯樹採之
五年後樹老子稀即伐去之別栽嫩者

綽菜 綽菜夏生於池沼間葉類茨菰根如藕條南海人食之云令人思睡謂之暝菜
蕪菁 蕪菁如落葵而小性冷味甘南人編葦為筏作小孔浮於水上種子於水中則如萍根浮水面及長莖葉皆出
於葦筏孔子隨水上下南方之奇蔬也治葛有大毒以蕪菁汁滴其苗當時萎死世傳魏武能噉治葛至一尺云先食
此菜

治葛 治葛毒草也蔓生葉如羅勒尤而厚一名胡蔓草實毒者多雜以生蔬進之悟者速以藥解不爾半日輒死
山羊食其苗即肥而大亦如鼠食色豆其大如狍益物類有相伏也

吉利草 吉利草其莖如金釵股形類石斛根類芍藥又廣俚俗多蓄毒惟此草解之極驗吳黃武中江夏李侯
以罪徙合浦初入境遇毒其奴吉利者偶得是草與侯服遂解吉利即遁去不知所之侯因此濟人不知其數遂以
吉利為名豈李侯者徒非其罪或侯自有隱德神明啟吉利者救之耶

良耀草 良耀草枝葉如麻黃秋結子如小粟煨食之解毒功不亞於吉利始昔有得是藥者梁氏之子耀亦以為
言梁轉為良爾花白似牛李出高涼

蕪菁 蕪菁一名蕪葦葉如麻兩兩相對氣如靡蕪可以止癩出南海
凡草木之華者春華者冬秀夏華者春秀秋華者夏秀冬華者秋秀其華竟歲故婦女之首四時未嘗無華也

南方草木狀卷中

木類

楓人 楓人五嶺之間多楓木歲久則生瘤瘿一夕遇暴雷驟雨其樹贅暗長三五尺謂之楓人越巫取之作術有
通神之驗取之不以法則能化去

楓香 楓香樹似白楊葉圓而歧分有脂而香其子大如鴨卵二月華發乃著實八九月熟曝乾可燒惟九真郡有
之

董陸香 董陸香出大秦在海邊有大樹枝葉如古松生於沙甲盛夏樹膠流出沙上方採
榕 榕樹南海桂林多植之葉如木麻實如冬青樹幹拳曲是不可以為器也其本稜理而深是不可以為材也燒
之無焰是不可以為薪也以其不材故能久而無傷其陰十畝故人以為息焉而又枝條既繁葉又茂細軟條如藤
垂下漸漸及地藤稍入地便生根節或一大株有根四五處而橫枝及鄰樹即連理南人以為常不謂之瑞木

益智子 益智子如筆毫長七八分二月花色若蓮著實五六月熟味辛雜五味中芬芳亦可鹽曝出又趾合浦建
安八年交州刺史張津嘗以益智子粽餉魏武帝

桂 桂出合浦生必於高山之巔冬夏常青其類自為林間無雜樹文趾置桂園桂有三種葉如栢葉皮赤者為丹
桂葉似栢葉者為茵桂其葉似枇杷葉者為牡桂三輔黃圖曰甘泉宮南有昆明池池中有靈波殿以桂為柱風來
自香

朱槿 朱槿花莖葉皆如桑葉光而厚樹高止四五尺而枝葉婆娑自二月開花至中冬即歇其花深紅色五出大
如蜀葵有藥一條長於花莖上綴金屑日光所燦疑若焰生一叢之上日開數百朵朝開暮落插枝即活出高涼郡一
名赤槿一名日及

指甲花 指甲花其樹高五六尺枝條柔弱葉如嫩榆與耶悉若末利花皆雪白而香不相上下亦胡人自大秦國

南方草木狀

移植于南海而此花極繁細纔如半米粒許彼人多折置襟袖間蓋負其芬馥爾一名散沫花

蜜香沉香雞骨香黃熟香鷄舌香棧香青桂香馬蹄香 案此八物同出於一樹也文趾有蜜香樹幹拒似柳其花白而繁其葉如橘欲取香伐之經年其根幹枝節各有別色也木心與堅黑沉水者為沉香與水面平者為雞骨香其根為黃熟香其幹為棧香細枝緊實未爛者為青桂香其根節輕而大者為馬蹄香其花不香成實乃香為鷄舌香珍異之木也

枕椰 枕椰樹似併欄實其皮可作綆得水則柔韌胡人以此聯水為舟皮中有屑如髮多者至數斛食之與常楚無異木性如竹紫黑色有文理工人解之以製奕枰出九真文趾

詞梨勒 詞梨勒樹似木梳花白子形如橄欖六路皮肉相着可作飲變白髮髮令黑出九真

蘇枋 蘇枋樹類槐花黑子出九真南人以染絳漬以大庾之水則色愈深

水松 水松葉如槽而細長出南海上產象香而此木不甚香故彼人無佩服者嶺北人極愛之然其香殊勝在南方時植物無情者也不香於彼而香於此豈屈於不知己而伸於知己者歟物理之難窮如此

刺桐 刺桐其木為材二月二時布葉繁密後有花赤色間生葉間旁照他物皆朱殷然三五房凋則三五復發如是者竟歲九真有之

棹 棹樹幹葉俱似椿以其葉鬻汁漬果呼為棹汁若以棹汁雜坭肉口者即時為雷震死棹出高涼郡

杉 杉一名披粘合浦東二百里有杉一樹漢安帝永初五年春葉落隨風飄入洛陽城其葉大常杉數十倍術士廉盛曰合浦東杉葉也此休徵當出王者帝遣使驗之信然乃以千人伐樹役夫多死者其後二百人坐斷株上食過足相谷至今猶存

荆 荆實浦浦有二種金荆可作枕紫荆可作牀白荆堪作履與他處牡荆蔓全異又彼境有杜荆指病自愈節不相當者月暈時刻之與病人身齊等置牀下雖危困亦愈

紫藤 紫藤葉細長莖如竹根極堅實重重有皮花白子黑置酒中歷二三十年亦不腐敗其莖截置煙火中經時成紫香可以降神

楹藤 楹藤依樹蔓生如通草藤也其子紫黑色一名豕豆二年方熟其殼貯藥歷年不壞生南海解諸藥毒

蜜香紙 蜜香紙以密香樹皮作之微褐色有紋如魚子極香而堅韌水漬之不潰爛秦康五年大秦獻二萬幅常以萬幅賜鎮南大將軍當陽侯杜預令寫所撰春秋釋例及經傳集解以進未至而預卒詔賜其家令藏之

抱香履 抱香履抱木生於水松之間若寄生然極柔弱不勝刀鋸乘濕時剝而為履易如削瓜既乾而韌不可理也履雖猥大而輕者若通木風至則隨飄而動夏月納之可禦蒸濕之氣出扶南大秦諸國秦康六年扶南貢百雙帝深歎異然哂其制作之陋但置諸外府以備方物而已按東方朔瑣語曰木履起於晉文公時介之推逃祿自隱抱樹而死公撫木哀歎遂以為履每懷從亡之功輒俯視其履曰悲乎足下足下之稱亦自此始也

南方草木狀卷下

果類

檳榔 檳榔樹高十餘丈皮似青口節如桂竹下本不大上枝不小調直亭亭千萬若口森秀無柯端頂有葉葉似甘蕉條派開破仰望渺渺如插叢蕉於竹

抄風至獨動似舉羽扇之掃天葉口繫數房房綴數十實實大如桃李天生棘重累其枝所以禦衛其實也味苦澁剖其皮鬻其膚熟如膏之堅如乾棗以扶留藤古貴灰并食則滑美下氣消穀出林邑彼人以為貴婚族客必先進若邂逅不設用相嫌恨一名賓門藥錢

荔枝 荔枝樹高五六丈餘如桂樹綠葉蓬蓬夏榮茂青華朱實實大如雞子核黃黑似熟蓮實白如肪甘而多

汁似安石榴有甜酢者至日將中翕然俱赤則可食也一樹下子百斛二輔黃圖曰漢武帝元鼎六年破南越建扶荔宮扶荔者以荔枝得名也自文趾移植百株於庭無一生者連年移植不息後數歲偶一株稍茂然終無華實帝亦珍惜之一日勿心妾死守吏坐誅死者數十遂不復茂矣其實則歲貢焉郵傳者疲弊於道極為生民之患

椰 椰樹葉如柝欄高六七丈無枝條其實大如寒瓜外有鹿麕皮次有殼圓而且堅剖之有白膚厚半寸味如胡桃而極肥美有漿飲之得醉俗謂之越王頭云昔林邑王與越王有故怨遣使客刺得其首懸之於樹俄化為椰子林邑王憤之命剖以為飲器南人至今效之當刺時越王大醉故其漿猶如酒云

楊梅 楊梅其子如彈丸正赤五月中熟熟時似梅其味甜酸陸賈南越行紀曰羅浮山頂有胡楊梅山桃繞其際海人時登採拾止得於上飽噉不得持下東方朔林邑記曰林邑山楊梅其大如杯椀青時極酸既紅味如崖蜜以醞酒號梅香耐非貴人重客不得飲之

橘 橘白華赤實皮馨香有美味自漢武帝文趾有橘官長一人秩二百石主貢御橘吳黃武中文趾太守士燮獻橘十七實同一蒂以為瑞異郡臣畢賀

柑 柑乃橘之屬滋味甘美特異者也有黃者有頰者頰者謂之壺柑文趾人以席囊貯蟻蟻於市者其窠如薄絮囊皆連枝葉蟻在其中并窠而黃蟻赤黃色大於常蟻南方柑樹若無此蟻則其實皆為群蠹所傷無復一完者矣今華林園有柑一株遇結實上命群臣宴飲於旁摘而分賜焉

橄欖 橄欖樹身聳枝皆高數丈其子深秋方熟味雖苦澁咀之芬馥勝舍鷄骨香吳時歲貢以賜近侍本朝自泰康後亦如之

龍眼 龍眼樹如荔枝但其葉稍小殼青黃色形圓如彈丸核如木椀子而不堅肉白而帶漿其甘如蜜一朶五六十顆作穗如葡萄然荔枝過即龍眼熟故謂之荔枝如言常隨其後也東觀漢記曰單于來朝賜橙橘龍眼荔枝

魏文帝詔群臣曰南方果之珍異者有龍眼荔枝令歲貢焉出九真文趾

海棗 海棗樹身無閑枝直聳三四十丈樹頂四面共生十餘枝葉如柝欄五年一實實甚大如杯盤核兩頭不尖雙卷而圓其味極甘美安邑御棗無以加也泰康五年林邑獻百枚昔李少君謂漢武帝曰臣嘗遊海上見安期生食臣棗大如瓜非誕說也

千歲子 千歲子有藤蔓出土子在根下鬚綠色交加如織其子一苞恒二百餘顆皮殼青黃色殼中有肉如栗味亦如之乾者殼肉相離撼之有聲似肉豆莢出交趾

五斂子 五斂子大如木瓜黃色皮肉脆軟味極酸上有稜五如刻出南人呼稜為斂故因以名以蜜漬之甘酢而美出南海

鈎緣子 鈎緣子形如瓜皮似橙而金色胡人重之極芬香肉甚厚白如蘆服女工競雕鏤花鳥漬以蜂蜜點蒸檀巧麗妙絕無與為比泰康五年大秦貢十缶帝以三缶賜王愷助其珍味夸示於石崇

海梧子 海梧子樹與中國松同但結實絕大形如小栗三角肥甘香味亦樽俎間佳果也出林邑

菴摩勒 菴摩勒樹葉細似合昏花黃實似李青黃色核圓作六七稜食之先苦後甘術士以變白鬚髮有驗出九真

石栗 石栗樹葉果同但生於山石罅間花開二年方結實其殼厚而肉少其味似胡桃仁熟時或為群鸚鵡至啄食略盡故彼人多珍貴之出日南

人面子 人面子樹似合結子如桃實無味其核正如人面故以為名以蜜漬之稍可食以其核可玩於席間飭餽禦客出南海

竹類

雲叩竹 雲叩竹一節為船出扶南然文廣有竹節長二丈其圍一二丈者往往有之

篋篋竹 篋篋竹皮薄而空多大者徑不過二寸皮麤而澁以錐犀象利勝於鐵出大秦

石林竹 石林竹似桂竹勁而利削為切割象皮如刀竿出九真文趾

思摩竹 思摩竹如竹大而筍生其節筍既成竹春而筍復生節焉文廣所在有之

簞竹 簞竹葉疎而大一節相去五六尺出九真彼人取嫩者確浸紡績為布謂之竹疎布

越王竹 越王竹根生石上若細荻高尺餘南海有之南人愛其青色用為酒簍云越王棄餘筍而竹生

識
右嵇含南方草木狀二卷通考云晉襄陽太守嵇含撰隋志不載此書而別有廣州刺史嵇含集十卷按晉書葛洪傳洪參廣州刺史嵇含軍事及含遇害遂停南土又含字悅道亦見洪所著抱朴子則含實卒官廣州此書乃含為廣州刺史時目睹南越文趾植物珍奇中州之人或昧厥狀故為詮叙成書其文筆固雅馴而所引古籍若陸賈南越行紀東方朔林邑記三輔黃圖東觀漢記亦極典博不若唐宋人所為嶺表錄異桂海虞衡志一以多聞見為貴也時有豫章俞益期流寓交州與豫章太守韓康伯書論檳榔以寄况世謂之交州牋其所說椰樹清漿象香其一木與諸木狀悉合蓋亦可助此書之證吾鄉自漢魏來人文著作如益期者亦希矣乃其牋僅散見水經注藝文類聚太平御覽中曾不得與草木狀並入叢書流傳於世惜哉汝上王謨識

竹譜

晉戴凱之撰 南昌喻振聲校

植類之中有物曰竹不剛不柔非草非木 山海經爾雅皆言以竹為草事經聖賢未有改易然則稱草良有難安

竹形類既自乖殊且經中文說又自皆訛經云其草多族復云其竹多層又云雲山有桂竹若謂竹是草不應稱

竹今既稱竹則非草可知矣竹是一族之總名一形之偏稱也植物之中有草木竹猶動品之中有魚鳥獸也年

月久遠傳寫謬誤今日之疑或非古賢之過也而此之學者謂事經前賢不敢辯正何異匈奴惡郅都之名而畏

木偶之質耶

小異空實大同節目 夫竹之大體多空中而時有實十或一耳故曰小異然雖有空實之異而未有竹之無節者

故曰大同

或茂沙水或挺巖陸 桃枝篋篋多植水渚篋篋之屬必生高燥

條暢紛敷青翠森肅質雖多情性已殊寒九河鮮育五嶺實繁 九河即徒駭太史馬頰覆釜胡蘇簡黎鈞蓋南津

禹所導也在平原郡五嶺之說互有異同余往交州行路所見兼訪舊老考諸古志則今南康始安臨賀為北嶺

臨漳南浦為南嶺五都界內各有一嶺以隔南北之水俱通南越之地南康臨賀始安二郡通廣州南浦臨漳二

郡在廣州西南通交州或趙佗所通或馬援所併厥跡在焉故陸機請伐鼓五嶺表道九真也徐廣雜記以剡松

陽建安康樂為五嶺其謬遠矣俞益期與韓康伯以晉興所統南移大營九岡為五嶺之數又其謬也九河鮮

育已隆寒也五嶺實繁好殊溫也

萌筍苞擢夏多春鮮根幹將枯花復乃縣 竹生花實其年便枯死復竹實也復音福

符必六十復亦六年 竹六十年亦易根易根輒結實而枯死其實落土復生六年遂成町竹謂死為符符音紂

鐘龍之美爰自崑崙 鐘龍竹名黃帝使伶倫伐之於崑崙之墟吹以應律聲譜云鐘龍大竹此言非大小之稱笛

賦云鐘龍非也自一竹之名耳所生若是大竹豈中律管與笛

員正帝竹一節為船巨細已聞形名未傳 員正帝竹一節為船郭注云一節為船未詳其義俊即舜字假借也

桂實一族同稱異源 桂竹高四五丈大者一尺圍潤節大葉狀如甘竹而皮赤南康以南所饒也山海經云靈原

桂竹傷人則死是桂竹有二種名同實異其形未詳

衛尤勁薄博矢之賢 衛細竹也出蜀志薄肌而勁中二續射博筥則衛音衛見三倉

篁任筥笛體特堅圓 篁竹堅而促節體圓而質堅皮白如霜粉大者且行舟細者為笛篁音皇見三倉

棘竹駢深一叢為林根如推輪節若束針亦曰筥竹城固是任篁筥既食鬚髮則侵 棘竹生交州諸郡叢生有數

十莖大者一尺圍肉至厚實中夷人破以為弓枝節皆有刺狄人種以為城卒不可攻萬震異物志所種為藩落

阻過層壟者也或空萌根出大如十石物縱橫相承如絛車一名筥竹見三倉筥味落人鬚髮

單體虛長各有所育 單竹大者如排虛細長爽嶺南夷人取其筥未及竹者灰煮績以為布其精者如穀焉

苦實稱名甘亦無目 苦竹有白有紫而味苦甘竹似筥而茂葉下節味甘合湯用之此處處亦有

弓竹如藤其節都曲生多臥土立則依木長幾百尋狀若相續質雖合豆又須膏乃縹 弓竹出東垂諸山中長數十

丈每節輒曲既長且軟不能自立若遇木乃倚質有文章然要須膏塗火灼然後出之箴臥竹上出也

厥族之中蘇麻特奇修幹平節大葉繁枝凌羣獨秀蒼茸紛披 蘇麻竹長數丈大者尺餘圍概節多枝叢生四枝

葉大如履竹中可愛者也此五嶺左右徧有之

筥當射筒筥於桃枝長乘纖葉清肌薄皮千百相亂洪細有差 數竹皮葉相似實當最大者中甌筥亦中射筒

薄肌而最長節中貯箭前因為名筥筥葉薄而廣越女使劍竹是也桃枝是其中最細者並見方志賦桃枝皮赤

編之滑勁可以為席顧命篇所謂篋席者也爾雅釋草云四寸一節為桃枝郭注云竹四寸一節為桃枝余之所

見桃枝竹節短者不兼寸長者或踰尺豫章徧有之其驗不遠也恐爾雅所載草族自別有桃枝不必是竹郭注

加竹字取之謬也山海經云其木有桃枝劍端又廣志草木篇云桃枝出朱提郡曹爽所用者也詳察其形實近

於木也但未詳爾雅所云復是何桃枝耳經雅所說二族決非作席者矣廣志以藻為竹是誤後生學者往往有

為所誤者耳

相繇既戮厥土維腥二堙斯沮尋竹乃生物尤世遠略狀傳名 禹殺共工相繇二臣膏流為水其處腥臊不植五

穀禹二堙皆沮尋竹生焉在崑崙之北南嶽之山見大荒北經中

般腸實中與筥相類於用筥宜為筥殊味 般腸竹生東郡緣海諸山中其筥最美云與筥竹相似出閩中並見沈

志其形未詳

筋竹為矛稱利海表槿仍其幹刀節其抄生於日南別名為葉 筋竹長二丈許圍數寸至堅利南土以為矛其筥

未成竹時堪為弩弦見徐忠南中奏劉淵林云夷人以史葉竹為矛余之所聞即是筋竹豈非一物而二名者也

百葉參差生自南垂傷人則死醫莫能治亦曰筥竹厥毒若斯彼之同異余所未知 百葉竹生南垂界甚有毒傷

人必死一枝百葉因以之名沈志劉淵林云筥竹有毒夷人以刺虎豹中之輒死或有一物二名未詳其同異

筥與由衙厥體俱洪圍或累尺筥實衙空南越之居梁柱是供 筥實厚肥孔小幾於實中二竹皆大竹也土人用

為梁柱筥竹安成以南有之其味苦俗號筥由衙竹交州廣志云亦有生於永昌郡為物業生吳郡賦所謂由

衙者筥音雷性柔弱見三倉

竹之堪杖莫尚於筑礫何不凡狀若人功豈必蜀壤亦產餘邦一曰扶老名實縣同 筥竹高節實中狀若人刻為

杖之極廣志云出南廣印都縣然則印是地名猶言高梁董張蹇傳云於大夏見之出身毒國始感印杖終開越雋

竹譜

漢魏叢書

竹譜

二

越僅則古身毒也張孟陽云邛竹出與古盤江縣山海經謂之扶竹生尋伏山去洞庭西北一千一百二十里黃圖云華林園有扶老二株如此則非一處賦者不得專為蜀地之生也禮記曰五十杖於家六十杖於鄉者扶老之器也此竹實既固杖又名扶老故曰名實縣同也

籐簞二族亦甚相似杞髮苦竹促節薄齒束物體柔殆同麻棗 籐簞一種至似苦竹而細軟肌薄籐筍亦無味江漢間謂之苦籐見沈志籐音聊豐音禮齒有文理也

蓋竹所生大抵江東上密防露下疎來風連故接町疎散崗潭 蓋竹亦大薄肌白色生江南深谷山中不聞人家植之其族類動有頃畝典錄賀齊傳云討建安賊洪明於蓋竹蓋竹以名地猶酸棗之名巴豫章之名邦者類是也

雞脛似篁高而筍脆稀葉梢抄類記黃細 雞脛篁竹之類纖細大者不過如指疎葉黃皮彊肌無所堪施筍美青班色綠松江山崗所饒也

狗竹有毛出諸東裔物類象詭千百不計 狗竹生臨海山中節間有毛見沈志 有竹象蘆因以為名東甌諸郡緣海所生肌理勻淨筠色潤貞凡今之箴非茲不鳴 此竹膚象蘆出揚州東垂諸郡浙江以東為甌越故曰東甌蘇成公始作箴似於今箴故曰凡今之箴

會稽之箭東南之美古人嘉之因以名矢 箭竹高者不過一丈節間三尺堅勁中矢江南諸山皆有之會稽所生最精好故爾雅云東南之美者有會稽之竹箭焉非總言也大抵中矢者雖多而此箭為最古人美之以首其目見方言是以楚俗□□伯細箭五十跪加莊王之背明非矢者也

籥籥載籍貢名荆鄣 籥籥二竹亦皆中矢皆出雲夢之澤禹貢篇出荆州書云底貢厥名言其有美名故貢之也大較故是會稽箭類耳皮特黑蓋以此為異呂氏春秋云駱越之籥然則南越亦產不但荆也

箴亦筍徒概節而短江漢之間謂之箴竹 山海經云其竹名箴生非一處江南山谷所饒也故是箭竹類一尺數節葉大如履可以作蓬亦中作矢其筍冬生廣志云魏時漢中太守王圖每冬獻筍俗謂之箴箴若怪反

根深耐寒茂彼淇苑 北土寒水至冬地凍竹根類淺故不能植唯箴竹根深故能晚生其園衛地殷紂竹箭園也見鮑彪志淮南子云鳥號之弓貫淇衛之箭也毛詩所謂瞻彼淇澳綠竹猗猗是也

篔簹蒼蒼接町連皇性不卑植必也高崗踰天稱大出尋為長物各有用掃之最良 篔簹中掃帚細竹也特異他篠見廣志至大者不過如箭長者不出一丈根抄條等下節生惟高陰動有町畝廬山所饒也掃帚之選尋陽人往往取下都貨焉

又有族類爰擬嶧陽懸根百仞竦幹風生簫笙之選有聲四方實清氣亮象管莫抗 魯郡鄒山有篠形色不殊質特堅潤宜為笙管諸方莫及也笙賦云所謂鄒山大竹嶧陽孤桐此山竹獨能貞絕也

亦有海篠生於島岑節大盈尺幹不滿尋形枯若筋色黃如金徒為一異罔知所任 海中之山曰島山有此篠大者如筋內實外堅拔之不曲生既危壅海

又多風枝葉稀少狀若枯筋質雖小異無所堪施交州石林中徧饒是也 赤白二竹還取其色白薄而曲赤厚而直沅澧所豐餘邦頗直 頗少也俗謂白鹿竹亦可作簞尋陽郡人呼為白木竹燥時皮肉皆赤武陵溪中是所豐是者也

肅肅篔簹 夏夏攢植擢筍於秋冬乃成竹無大無小千萬修直篔簹內高綉文外絕 筍墮竹大如足指堅厚修直腹中白幕闌隔狀如濕麵生衣將成而筍皮未落輒有細蟲嚙之墮擇之後蟲齧處往往成赤紋頗如綉畫可愛南康所生見沈志也

籊筊誕節內實外澤作貢漢陽以供輅策 籊筊竹生於漢陽時獻以為輅馬策見南郡賦

漢魏叢書

竹譜

三

浮竹亞節虛軟厚肉臨溪覆澆栖雲陰木共筍滋肥可為旨蓄 浮竹長者六十尺肉厚而虛軟節潤而亞生水次彭蠡以南大嶺以北偏有之其筍未出時掘取以甜糟藏之極甘脆南人所重旨蓄謂草菜甘美者可蓄藏之以候冬詩曰我有旨蓄可以禦冬

厥性異宜各有所育筍植於宛茶生於蜀 筍竹見南郡賦茶竹見蜀都賦

細篠大篠 書云篠簜既敷鄭元云篠箭篠大竹也

竹之通目元名統體譬年與擯人之所知事生軌躅 車迹曰軌馬迹曰躅

赤縣之外焉可詳錄臆之必之匪邁伊曠 鄒子云今四海謂之瀛海瀛海之內謂之赤縣瀛海之外如赤縣者復有八故謂之九州非禹貢所謂九州也天地無邊蒼生無量人所聞見因軌躅所及然後知耳蓋何足云若耳目

所不知便斷以不然豈非囿近之徒者耶故孔子將聖無意無必莊生達邁以人所不知若所不知豈非苞鑿無窮師表羣生之謂乎

窮師表羣生之謂乎

窮師表羣生之謂乎

識

右戴凱之竹譜一卷晁公武云凱之字慶預武昌人哀輯竹事四字一讀有韻類賦頌李邯鄲云未詳何代人按鍾嶸詩品以宋參軍戴凱入中卷云人實貧羸而才章富健文雖不多氣調警言拔又見宋書鄧琬傳琬遣武昌戴凱之為南康相與齊王世子戰敗遁走則凱之本宋人官爵事跡略有可攷且有詩名邯鄲博雅不審何以失於考証也此譜當是相南康時所作故書中所采竹族多是五嶺左右亦就所見聞言之耳其於筍簞條下注云見方志賦蓋據劉淵林吳都賦注引異物志筍當生水邊長數丈圍一尺五六寸一節相去六七尺或一丈廬陵畷有之與此云大者中甌文固有詳略也又本賦竹則筍簞條筴桂箭射筒柚梧有筍葉筴有叢以筒叢為韻而此文乃作射筒則傳寫之訛也此書多有闕文訛字又原本題晉戴凱之亦為失考今並分別改正汝上王謨識

禽經

晉張華注 崇仁表有桃枝

子野曰鳥之屬三百六十鳳為之長故始於此 鳳者羽族之長

鳳雄鳳雌 鳳鴻前麟後蛇首魚尾龍文龜身鶯領鷄喙駢翼自戴德頂揭義背負仁心抱忠翼扶信足履正小音

鐘大音鼓不啄生草五采備舉飛則羣鳥從出則王政平國有道

亦曰瑞鷗 景純注爾雅云瑞雁鳥也鷄頭蛇頸鷺頤龜背魚尾五彩色高六尺許出為王者之嘉瑞孝經援神契

曰王者德及鳥獸則鳳鳥翔

亦曰鸞鷟 鳳之小者曰鸞鷟五彩之文三歲始備也

羽族之君長也鸞瑞鳥 鸞者鳳鳥之亞始生類鳳久則五彩變易故字從變省禮斗威儀曰天下太平安寧則見

其音如鈴變變然也周之文物大備法車之上綴以大鈴如鸞之聲也後改為鑿

一曰雞趣 顧野王符瑞圖曰雞趣王者有德則見

首翼亦曰丹鳳青曰羽翔白曰化翼元曰陰翥黃曰土符 別五彩而為名也

鳳者鸞舉百羽從之 鸞鳳翔止百鳥皆從也以類化

鳳靡鸞叱百鳥瘞之 鳳死曰靡鸞死曰叱禽鳥啄土以瘞藏之

慈鳥反哺 慈鳥曰孝鳥長則反哺其母大嘴鳥否

白脰鳥不祥 鳥之白脰者西南人謂之鬼雀鳴則凶咎

巨喙鳥善警 鳥之巨喙者善避矰戈彈射曰善警

孤鳥吟夜 鳥之失雄雌則夜啼

鷲鳥之善搏者曰鷲 鷲大人見而悚愕也

鷲元曰鷲 色淺黑而大者其羽盡鳥毛也

鷲曰鷲 鷹色蒼黃謂之鷲廣雅曰鷲鷹一歲色也鷹生三歲如鷲也

骨曰鷲瞭曰鷲 能視遠也瞭目明白音了

鷲曰鷲 晨風也向風搖翅其回迅疾狀類鷲色青搏鷲雀食之左傳云若鷲鷲之逐鳥雀

奪曰鷲 如鷲而小者其脰上下亦取鳥雀如攘奪也

王鷲鷲鳩魚鷹也 毛詩曰王鷲鷲而有別多子江表人呼以為魚鷲雄雌相愛不同居處詩之國風始關雎也

亦曰白鷲 鷲之色白者

亦曰白鷲 狀如鷹尾上白也

雉介鳥也 善搏鬪也

亦曰奮 爾雅曰雉有力奮

五彩備曰翬 爾雅曰伊洛而南素質五采皆備成章曰翬江淮而南青質五采皆備成章曰鷩其毛色光輝也周禮后六服一曰翬衣取其雉性介而守以比后德也

亦曰夏翟 書曰羽畎夏翟雉尾至夏則光鮮也

亦曰鷩雉 青質五采解見上說

米黃曰鷩雉 背毛黃腹毛亦頸毛綠而鮮明周禮鷩冕取此

白曰翰雉 江南呼曰白雉

元曰海雉 羽色絕黑亦善鬪生海中山島上

首有采毛曰山雞 山雞長尾尤珍護之林木之森鬱者不入其觸其尾也雨則避於巖石之下恐濡濕也久雨亦不出而求食死者甚眾

頸有采囊曰避株 雉屬出華嶽及咸山中晴暘則頸出彩囊作囊遇樹木則避之故曰避株任昉曰亦名吐綬鳥

背有采羽曰羽翠 狀如鷩鷩而色正口口縵可啖飲啄於澄澗洄淵之側尤惜其羽日濯於水中今王公之家以為婦人首飾其羽直千金

腹有采文曰錦鷄 狀如鷩鷩前五色如孔雀羽出南詔越山中歲採捕之為王者冠服之飾

鷩鷩戴勝布穀也 揚雄曰鷩鷩戴勝生樹穴中不巢生爾雅曰鷩鷩戴勝即上首勝也頭上尾起故曰戴勝而

農事方起此鳥飛鳴於桑間云五穀可布種也故曰布穀月令曰戴勝降於桑一名桑鳩仲春鷹所化也

亦曰鷩鷩 鳴自呼

亦曰獲穀 江東呼為獲穀見揚雄方言

春耕候也 云此鳥鳴時耕事方作農人以為候

倉鷩鷩黃鳥也 今謂之黃鷩黃鷩是也野民曰黃粟雷語聲轉耳其色黃黑而黃故名黃鷩詩云黃鳥以色呼也

亦曰楚雀 北人呼為楚雀

亦曰商庚夏蠶候也 云此鳥鳴時蠶事方興蠶婦以為候對上文也

鷩鷩惡鳥路其類 鷩鷩與山鷩鷩其類相值則相搏鷩狀類鷩鷩長尾丹背

鷩鷩元鳥愛其類 鷩鷩匹鳥也元鳥鷩也二鳥朝倚而暮偶愛其類也

鷩以水言自北而南 鷩音鴈隨陽鳥也冬道南方集於江干之上故望從干

鵠以山言自南而北 鵠亦音鴈中春寒盡鴈始北嚮燕代尚寒猶集於山陸岸谷之間故字從斤

鵠以聲交而孕 雄鳴上風雌下風則孕

鵠以音感而孕 鵠乾鵠也上下飛鳴則孕

白鵠相眠而孕 雄雌相視而孕

鵠鵠睛交而孕 狀類鳧而足高相視而睛不眩轉孕而生雛

鵠鵠周子規也啼必北嚮 爾雅曰鵠周鵠越問曰怨為夜啼達旦血清草木凡鳴皆北嚮也

江介曰子規 啼苦則倒懸於樹自呼曰謝豹

蜀右曰杜宇 望帝杜宇者蓋天精也李膺蜀志曰望帝稱王於蜀時荆州有一人化從井中出名曰鼈靈於楚身

死屍反沂流上至汶山之陽忽復生乃見望帝立以為相其後平山龍鬪壅江不流蜀民墊溺鼈靈乃鑿平山

開三峽降止宅土人得陸居蜀人往江南羌住城北始立木柵周三十里今鼈靈為刺史號曰西州後數歲望

帝以其功高禪位於鼈靈號曰開明氏望帝修道處西山而隱化為杜鵑鳥或云化為杜宇鳥亦曰子規鳥至春

則啼聞者悽惻

隋楊越雉鵠也飛必南者 廣志云鵠鵠以雌雞飛但徂南不北也

晉女曰懷南 異物記云鵠鵠黑白成文其鳴自呼象小雞其志懷南不北徂也

江左曰遂隱 古今注曰南方有鳥名鵠鵠向南飛畏霜露早與暮出稀有時夜棲則以樹葉覆其背燕人亦不知

有此鳥也

鵠毅鳥也毅不知死 狀類鷄首有冠注敢於鬪死猶不置是不知死也左傳鷄冠武士戴之象其勇也

鷓鴣信鳥也信不知用 鷓鴣水鳥如鷓鴣而小隨潮而翔迎浪蔽日曰信鷓鴣之別類羣鳴啾啾優優隨大小潮來也

食小魚蝦蟇之屬雖潮至則翔水嚮以為信反為鷓鴣所擊是知信而不知所以自害也

鷓鴣有文而貪 鷓鴣狀類鷓鴣緋色錯出有文於水際伺蚌出啄啄食之反為蚌所持死水中不知所食以為害左傳曰

聚鷓鴣為冠是也

鷓鴣不擊而貪 鷓鴣也不善搏擊貪於攫肉也詩云鷓鴣飛天鮑照曰寒鷓鴣雖

鷓鴣志在水 鷓鴣水鳥也似鷓鴣而大喙長尺餘領下有胡如大囊受數升湖中取水以聚羣魚俟其竭涸奄取食之

一名淘河詩曰維鷓鴣在梁志在水也

鷓鴣志在木 爾雅曰鷓鴣木鳥巢不中窟如鷓鴣長數寸常斷樹食蠹蟻啄振木蟲皆動也

鷓鴣拙而安 鷓鴣鵠也方言云鷓鴣之拙鳥不善營巢取鳥巢居之雖拙而安處也雄呼晴雌鳴陰

鷓鴣巧而危 鷓鴣桃雀也狀類黃雀而小燕人謂之巧婦亦謂之女鷓鴣東人呼曰巧雀亦謂之巧女啄米取茅秀

為巢刻以縑麻若紡績為巢或一房或二房懸於蒲葦之上枝折巢敗巧而不知所託

鷓鴣之雜 鷓鴣屬色不純正故曰雜矣

鷓鴣之潔 鷓鴣似山鷓而色白行止閑暇

題鷓鴣鳴而草衰 爾雅謂之鷓鴣伯勞也狀類鷓鴣而大左傳謂之伯趙方言曰孤鷓鴣鳴則草衰

澤雉啼而麥齊 澤雉如商庚春季之月始鳴麥平隴也

風翔則風 風禽鷓鴣類越人謂之風伯飛翔則天大風

雨舞則雨 一足鳥一名商羊字統曰商羊一名雨天將雨則飛鳴孔子辯之於齊庭也

霜翫則霜 鷓鴣鳥名其羽可為裘以辟寒鷓鴣飛則隕霜

露著則露 露禽鷓鴣也古今注鷓鴣千載變蒼又千載變黑所謂元鷓鴣也子野鼓琴元鷓鴣來舞露下則鷓鴣鳴也鷓鴣之馴

養於家庭者飲露則飛去

林鳥朝朝 林鳥朝之將翔也聚而嘒啁

水鳥夜啾山鳥巖棲 山巖之鳥多不巢

原鳥地處 鷓鴣鳥之屬是

靈鵲兆喜 鵲噪則喜生

恠鵬塞耳 一名休鵬廣雅曰江東呼為恠鳥聞之多禍人惡之掩塞耳矣

鴛鴦野則義麥則搏 月令曰田鼠化為鴛鴦謂之鴛鴦謂之循在田得食鳴相呼夜則羣飛晝則草伏馴養

之久見食相搏鬪也

水鷺澤則羣擾則逐 鴛野鴨也飛止大澤之中羣處既羣擾之惡其族類而相逼逐也

鸚鵡犀背而瘡 鸚鵡出隴西能言鳥也人以手撫拭其背則瘡瘕矣

鳴鵲別舌而語 山海經謂之鸚鵡今人有其雛以竹刀剔舌本發之言語謝向能作鳴鵲舞之

扶老強力 古今注云扶老禿鷲也狀如鶴大者高七八尺善與人鬪好踏蛇脯羞_{一作食之益人}氣力走及奔馬

也

鵲鴿友悌 雀屬也爾雅曰鵲鴿雖渠毛詩曰水鳥也大雀高尖尾長喙頸黑青灰色腹下正白飛則鳴行則搖

又曰鵲鴿在原兄弟急難鵲鴿共母者飛鳴不相離詩人取以喻兄弟相友之道也

宋察雖雖鴻儀鷺序 鴻鴈屬大曰鴻小曰鴈飛有行列也鷺白鷺也小不踰大飛有次序百官縉紳之象詩以振

鷺比百察雖容喻朝者易曰鴻漸於干於雁聖人皆以鴻鷺之羣擬官師也

鷓鴣喙啾下齊眾庶 鷓鴣也雀屬眾人之象言多也

鷓鴣雄鷓北庫 鷓雀也鷓也二鳥皆雄者足高雌者足短

鳩鴉雌前雄後 鳩鴉鳩也鷓大如鷓生關西為鳥愁急二鳥雌飛則隨雌止則止雌常在前也

鷓將生子呼母應 鳥伏卵將成子鳴於殼母應之

雛既生子呼子應 鳥既雛母呼則子應之

班鳩辨鵲 班次序也凡哺子朝從上下暮從下上他鳥皆不

巢鳩害母 巢在巢母哺之羽翼成啄母目翔去也

舒鴈鳴前後和 舒鴈飛成行也雌前呼雄後應也

羣棲獨警 夜棲山澤中千百為羣有一鴈不瞑以警眾也

覆卵則鷓入水 鷓水鳥也伏卵時數入水冷則不暇取礮石周卵以助暖氣故方術家以鷓巢中礮石為真物也

鷺臆月 伏月卵則向月取其氣助卵也

宵鴈司夜行爲主晝雄翼掩左雌羽掩右 爾雅曰鳥雌雄不可別者以翼右掩左雄左掩右雌

物食長啄 食物之生者皆長啄水鳥之屬也

穀食短珠 鳥食五穀者啄皆短

搏則利嘴 鳥善搏鬪者利嘴

鳴則引吭 善啼鳴頸長也

毛協四時 春則毛弱夏則稀少而改易秋則刷理冬則更生細毛自溫

色合五方 倉鷹之屬以象東方不行朱鳥之屬以象南方火行黃鳥之屬應土行以象季夏白鷺之屬以象西方

金行元鳥以象北方水行

羽物變化轉於時令 仲春之節鷹化為鳩季春之節田鼠化為鴽中秋之節鳩復化為鷹季秋之節雀入大水化為蛤孟冬之節雉入大水化為蜃淮南子曰鼈化為黿鵝化為鶻鶻化為布穀布穀復為鶻順節令以變形也 乾道始終以成物性 生物者乾之始成物者乾之終隨時變化成就萬物之性也

附宋王楙補禽經說

章茂深嘗得其婦翁石林所書賀新郎詞首曰睡起啼鶯語章疑其誤頗詰之石林曰老夫嘗得之矣流鶯不解語啼鶯解語見禽經余因求之禽經止一卷不載所著人名自漢七略隨經籍志唐藝文志本朝崇文書亦皆不載觀其洞究物理殆非常人所為觀埤雅及諸書遠禽經所載而今禽經無之尚數十條如鶴以怨望鶴以貪顧難以真視鴨以怨晚雀以猜懼燕以狂聃鶯以喜轉鳥以悲啼鶯以飢鳴鶴以深喉巢以凶叫鳩以愁嘯鶯飛則域沉鴉鳴則蚓結鵲俯鳴則陰仰鳴則晴陸生之鳥味多銳而善啄水生之鳥味多圓而善啜短脚者多伏長脚者多立凡此在今書多所不聞疑禽經非全本此語得之鮑夷白余又觀之如鶯而成而受胎鶴影接而懷卵鶯為文頸野鵲傳枝此見變化論鶴以聲文鵲以意文鶻鶻以晴交而孕此見爾雅疏魚蹴雞晚鳥無肺胃蜃無臟見崇有論此類甚多皆禽經所當收者鮑夷白謂禽經非後人作

識

石師曠禽經一卷自漢七略隨經籍志唐藝文志宋崇文書目皆不載陳氏書錄解題始列其目稱晉張華注馬氏文獻通考因之而陸氏埤雅亦引其說則是書蓋唐宋間人所作而託名師曠豈以其為天下之至聰必能洞察物理而於禽鳥尤為得氣之先者耶如說苑博物篇師曠告晉平公東方有鳥諫珂其為鳥也文身而未足憎鳥而愛狐又說文鵠字下引師曠曰南方有鳥名曰鳧黃頭赤目五色皆備豈即是經遺文許氏猶及見之書已久亡而後人乃附會為之耶今考禽經又無所謂鵠與諫珂者但引于野說鳳云云以冠篇首而其文實見大戴禮記易本命篇以家語參之則又子夏所聞山書之口也以是而託之師曠亦大無稽矣然則張華之注其可信歟亦非也華死事在惠帝初年而此口口景純注爾雅則東晉時人也至引李應劉志顧野王符瑞圖自梁陳間人時人尤懸絕足知此經注皆應作以行世既久故仍從唐宋叢書中采出以廁於漢魏作者之後焉汝上王謀識

古今刀劍錄

梁陶宏景纂 金谿蔡映階校

夫刀劍之由出已久矣前王後帝莫不鑄之但以小事記注者不甚詳錄遂使精奇挺異空成埋沒慨然有想遂為記云

夏禹子帝啓在位十年以庚戌八年鑄一銅劍長三尺九寸後藏之秦望山腹上刻二十八宿文有背面面文為星辰背記山川日月

啓子太康在位二十九年歲在辛卯三月春鑄一銅劍上有八方面長三尺二寸頭方孔甲在位三十一年以九年歲次甲辰採牛首山鐵鑄一劍銘曰夾古文篆書長四尺一寸

殷太甲在位三十二年以四年歲次甲子鑄一劍長二尺文曰定光古文篆書武丁在位五十九年以元年歲次戊午鑄一劍長一尺銘曰照膽古文篆書

周昭王瑕在位五十一年以二年歲次壬午鑄五劍各投五嶽銘曰鎮嶽尚方古文篆書長五尺簡王夷在位十四年以元年歲次癸酉鑄一劍長三尺銘曰駭大篆書

秦昭王稷在位五十二年以元年歲次丙午鑄一劍長三尺銘曰誠大篆書秦始皇在位三十七年以三年歲次丁巳採北祗銅鑄二劍銘曰定秦小篆書李斯刻埋在阿房宮閣下一在觀

臺下長三尺六寸也前漢劉季在位十二年以始皇三十四年於南山得一鐵劍長三尺銘曰赤霄大篆書及貴常服之此即斬蛇劍

文帝恒在位二十三年以初元十六年歲次庚午鑄三劍長三尺六寸銘曰神龜多刻龜形以應大橫之象及崩

命入武宮

武帝徵在位五十四年以元光五年歲次乙巳鑄八劍長三尺六寸銘曰八服小篆書萬恒霍華太山五嶽皆埋之

宣帝詢在位二十五年以本始四年鑄二劍長三尺一曰毛二曰貴以足下有毛故為之皆小篆書

平帝衍在位五年以元始元年歲次辛酉掘得一劍上有帝名因服之大篆書
王莽在偽位十七年以建國五年歲次庚午造威斗及神劍皆鍊五色石為之銘曰神勝萬里伏小篆書長三尺六寸

更始劉聖公在偽位二年自造一劍銘曰更國小篆書

後漢光武秀在位三十三年未貴時在南陽鄂山得一劍文曰秀霸小篆書帝常服之

明帝莊在位十八年以永平元年歲次戊午鑄一劍上作龍形沉之於浴水中水清時常有見之者
章帝烜在位十三年以建初八年鑄一全劍令投於伊水中以厭人膝之怪宏景按水經云伊水有一物如人膝頭有爪人浴輒沒不復出

安帝祐在位十九年以元初六年鑄一劍藏峨眉山疑山王也
順帝保在位十九年以永建元年鑄一劍長三尺四寸銘曰安漢小篆書後改年號

靈帝安在位二十二年以建寧二年鑄四劍文曰中興一劍無故自失並小篆書
魏武帝曹操以建安二十年於幽谷得一劍長三尺六寸上有金字銘曰孟德王常服之

齊王芳以正始六年鑄一劍常服之無故自失但有空匣如故後有禪代之事兆始於此尋為司馬氏所廢
蜀主劉備以章武元年歲次辛丑採金牛山鐵鑄八劍各長三尺六寸一帝自服一與太子禪一與梁王理一與魯

王永一與諸葛亮一與關羽一與張飛一與趙雲並是亮書皆作風角處所有令稱元造刀五萬口呂運環及
又口列七十二鍊柄中通之兼有二字房子容曰唐人尚書郎李章武本名方古貞元年為東平帥李師古
判官因理第掘得一劍上有章武字方古博物亞張茂先亦曰蜀相諸葛孔明所佩劍也乃改名師古為奏請為
章武馬蓋蜀主八劍之一也

後主禪延熙二年造一大劍長一丈二尺鎮劍口山往往人見光輝後人求之不獲
吳王孫權以黃武五年採武昌銅鐵作千口劍萬口刀各長三尺九寸刀頭方皆是南銅越炭作之文曰大吳小篆
書又赤烏年中有人得淮陰侯韓信劍帝以賜周瑜

孫亮以建興二年鑄一劍文曰流光小篆書
孫皓以建衡元年鑄一劍文曰皇帝吳王小篆書

晉武帝司馬炎以咸寧元年造八千口刀銘曰司馬
懷帝熾以永嘉元年造一劍長五尺銘曰步光小篆書

成帝衍以咸和元年造十三口刀銘曰興國

穆帝昞以永和五年於房山造五口劍銘曰五方單符隸書
孝武帝昌明以大元元年於華山頂埋一劍銘曰神劍隸書

宋武帝劉裕以永初元年鑄一劍銘其目曰定國小篆書長四尺後入於梁
少帝義符以景平元年造一劍銘曰五色小篆書

後廢帝昱以元徽二年於將山頂造一劍銘曰永昌篆書
順帝準以昇明元年掘得一劍銘曰上血其刀照一室帝奇之至二年七月帝使楊玉候織女玉候女不得懼

死用以弑帝果如銘故知言凶其徵先見矣

齊高帝蕭道成以建元二年造一刀銘曰定業長五尺篆書自制之

明帝鸞以建武二年造一刀銘曰朝議長四尺小篆書

梁武帝蕭衍以天監二年即位至普通中歲在庚子命宏景造神劍十二口用金銀銅錫鐵五色合為之長短各依劍術法文曰服之者永治四方並小篆書

諸小國刀劍總在此

前趙劉淵以元熙二年造一刀長三尺九寸文曰滅賊隸書

後趙石勒以建平二年造一刀用五百小工用萬人頭尖長三尺六寸銘曰建平隸書勒未貴時耕地得一刀銘

曰石氏曰篆書

石季龍以建武十四年造一刀長五尺銘曰皇帝石氏隸書

後蜀李雄以晏平元年造刀五百口文曰騰馬隸書

前涼張寔造刀百口無故刀盡失文曰霸

後魏昭成帝拓跋健以建國元年於赤冶城鑄刺刀十口金鏤赤冶字

道武帝珽以登國元年於嵩阿鑄劍銘曰鎮山隸書

明元帝嗣以泰常元年造一劍長四尺銘背曰太常至真君元年有道士繼天師白為帝造劍長三尺六寸隸書因

改元真君

宣武帝恪以景明元年於白鹿山造一刀文曰白鹿隸書

前秦苻堅以甘露四年造一刀用五千工銘曰神術隸書

前燕慕容暉以元璽元年造二十八口刀銘曰二十八將隸書

後燕慕容垂以建興元年造二刀長七尺一雄一雌隸書若別處之則鳴

後秦姚萇以建初元年造一刀銘曰中山長三尺七寸隸書

西秦乞伏國仁以建義三年造一刀銘曰建義隸書

後涼呂光以麟嘉元年造一刀銘背曰麟嘉長三尺六寸

南涼秃髮烏孤以太初三年造一刀狹小長二尺五寸青色匠人曰當作之時夢見一人被朱服云吾是太一神來看汝作云此刀有獻必鳴後落突厥可汗所有也

南燕慕容元明以建平元年作刀四口文曰建平隸書

西凉李暹以永建元年造珠碧刀一口銘曰百勝隸書

北凉沮渠蒙遜以永安三年造刀百口銘曰永安隸書

夏州赫連勃勃以龍昇二年造五口刀背刃有龍雀環兼金鏤作一龍形長三尺九寸銘曰古之利器吳楚湛盧大夏龍雀名冠神都可以懷遠可以柔通

如風靡草威服九區宋王劉裕破長安得此刀後入於梁

吳將刀

周瑜作南郡太守造一刀背上有盪寇將軍字八分書

蔣欽拜列郡司馬造一刀文曰司馬隸書

周幼平擊曹公勝拜平虜將軍因造一刀銘背曰幼平

董元成少果勇自打鐵作一刀後討黃祖於蒙衝河元成引刀斷衝頭為二流拜大司馬號斷蒙刀

潘文拜偏將軍為擒關羽拜固陵太守因造一刃銘曰固陵

朱理君少受征討黃武中累功拜安國將軍作一佩刀文曰安國

關羽為先主所重不惜身命自採都山鐵為二刃銘曰萬人及羽敗羽惜刀投之水中

張飛初拜新亭侯自命匠鍊赤朱山鐵為一刃銘曰新亭侯蜀大將也後被范強殺強將此刀入於吳

諸葛亮定黔中從青石祠過遂抽刀刺山投刀不拔而去行人莫測

黃忠漢先主定南郡得一刃赤如血於漢中擊夏侯軍一日之中手刃百數

魏將刀

鍾會克蜀於成都土中得一刃文曰太一會死入帳下王伯昇伯昇後渡江刀遂飛入水

鄧艾年十二曾讀太邱碑碑下掘得一刃黑如漆長三尺餘刀上常有氣淒淒然時人以為神物

董卓少時耕野得一刃無文字四面隱起作山雲文劇玉如泥及卓貴示五官郎將蔡邕邕曰此項羽之刀也

袁紹在黎陽夢有一神受一寶刀及覺果在卧所銘曰思召紹解之曰思召紹字也

郭維於太原得一刃文曰宜為將後遂為將軍及與蜀將戰敗失此刀

王雙曾於市中買得一刃賣人曰得之者貴因不見雙後佩之為魏將後與曹真一刃換也

識

右陶宏景古今刀劍錄一卷備載古帝王所鑄作刀劍起夏后啟訖梁武帝其自序讀前王後帝莫不鑄之尚已

然其後又載有諸小國刀劍并三國諸名將刀則如春秋時吳王闔閭越王勾踐所命劍工若干將歐冶鑄成龍

淵太阿純鈞湛盧豈不足當諸小國名將何以盡棄而不錄耶抑以其詳見吳越春秋越絕等書故不復論列也

是錄固不免遺漏而後之校刊是書者復少詳審如於蜀主劉備采金牛山鐵鑄八劍條下引房子谷云云是記

唐人說此劍事應別為一行或用小字夾注不合混入本文又稱元當作蒲元乃人姓名諸葛武侯榜屬藝文類

聚載有蒲元傳云性多奇思為諸葛亮鑄刀三千口言漢水鈍弱不任淬用乃命人於成都取江水淬刀因曰神刀

即此故事則此稱元為蒲元之謠無疑也後又脫去蜀將刀一行茲因例從叢書原本重刻不及改正仍分別記

此俾學者得有所考焉汝上王謨識

鼎錄

梁虞荔纂

金谿蔡映恩校

昔虞夏之盛遠方皆至使九牧貢九金鑄九鼎於荆山之下于昆吾氏之墟白若甘挽之地圖其山川奇怪百物而為之備使人知神姦不逢其害以定其祥鼎成三足而方不炊而自沸不舉而自藏不遷而自行九鼎既成定之國都桀有亂德鼎遷于殷載祀六百殷紂暴虐鼎遷于周成王定鼎於郊邨卜世三十卜年七百年所命也及顯王姬德不哀鼎淪入泗水秦始皇之初見於彭城大發徒出之不能得焉

金華山皇帝作一鼎高一丈三尺大如十石雍像龍騰雲百神螭獸滿其中文曰真金作鼎百神率服復篆書三足漢孝景帝鑄一鼎名曰食鼎高二尺銅金銀雜為之形若瓦甑無足中元六年造其文曰五熟是滋君王膳之小篆書

武帝登泰山鑄一鼎高四尺銅銀為之其形如甕有二足太始四年造其文曰登于泰山萬壽無疆四海寧謐神鼎傳芳大篆書

元鼎元年汾陽得寶鼎即吾止壽王所藏之鼎高一丈二尺受十二石雜金銀銅錫為之四面蛟龍兩耳能鳴三足馬蹄刻山雲奇怪之象紀靈圖未然之狀其文曰壽考天地百祥臻侍山伏其靈海伏其異此銘在底下又別有銘或浮或沉皆古文復篆此上古之鑄造也總有九枚

昭帝元平元年於藍田覆車山鑄一鼎高三尺受五斗刻其文曰宜君王和四方調滋味去腥傷小篆書三足廢帝賀以天鳳六年登位廢為海昏侯鑄一小鼎貯酒其形若甕四足受二斗其文曰長滿上小篆書

宣帝甘露元年於華山仙掌鑄一鼎高五尺受四斗擬承甘露刻其文曰萬國伏貽長久鑄神鼎承天酒三足小篆書又建章宮銅人生毛以為美祥作一金鼎埋之本宮

元帝初元二年鑄一鼎大如甕無足其文曰黃帝膳鼎小篆書

成帝綏和元年匈奴平鑄一鼎其文曰寇盜平黃河清八分書三足高五尺六寸

哀帝元壽元年鑄一鼎貯酒高四尺三足其文曰羣臣元日用醴鼎小篆書

平帝元始五年鑄一鼎受二斗其文曰藥鼎三足八分書

王莽建國元年鑄一大鼎高一丈其文曰建國鼎莽自書埋之漸臺又作一鼎其文曰君臣之鼎並小篆書三足

後漢光武建元元年鑄一鼎其文曰定天下萬物伏小篆書三足高九尺

明帝永平十年鑄一鼎於洛水高六尺其文曰蛟龍伏大篆書三足又鑄一鼎於穀水高五尺其文曰穀洛小篆書

四足

章帝元和二年於北嶽鑄一鼎高四尺無足其文曰鎮地鼎小篆書

安帝延光四年鑄一鼎於少室山其文曰承露鼎小篆書四足

順帝永建六年鑄一鼎於伊水名曰魚鼎高四尺三足

靈帝嘉平元年鑄一大鼎埋之鴻都門其文曰儒鼎古書三足

漢官儀曰開陽門夜直樓上帝因作一鼎其文曰柱鼎一足如馬蹄

蜀先主章武二年於漢川鑄一鼎名曰克漢鼎埋之丙穴中八分書三足又鑄一鼎沉於永安水中紀行軍奇變又

於成都武侯擔山埋一鼎名曰受禪鼎又埋一鼎於劍口山名曰劍山鼎並小篆書武侯迹又時龍見武陽之水九

日因鑄一鼎像龍形沉水中

蜀章武三年先主作二鼎一與魯王文曰富貴昌宜侯王一與梁王文曰大吉祥宜公王並古隸書高二尺

魏武帝鑄一鼎於白鹿山高一丈紀征伐戰陣之能古文篆書四足更作鼎於太子名曰孝鼎畫刻古來孝子姓名

小篆書

文帝黃初元年鑄受禪鼎其文曰受祚鼎小篆書

明帝太和六年鑄一鼎三足名曰萬壽鼎小篆書

吳孫權黃武元年於彭蠡水沉一鼎其文曰百神助陽侯伏三足大篆書又獵於樊山見一姥問得何獸答曰得一

豹曰何不截尾遂為姥立廟并作一鼎其文曰豹尾鼎

孫亮建興元年於武昌鑄一鼎其文曰鎮山鼎小篆書三足

孫皓鑄一鼎於蔣山紀吳之歷數八分書

晉懷帝永嘉六年鑄一鼎沉於瓜步江中無文字鼎似龜形

宋王劉裕晉永初三年從秦中還紀功鑄一鼎於九池其文曰沸秦洛伏大漢古篆書

宋文帝得鰈魚遂作一鼎其文曰鰈魚四足

順帝昇明元年有人於宮亭湖得一鼎上有古文洵漢二字

齊高祖諱道成於齊中池內見龍聞簫聲遂埋一鼎其文曰龍鼎真書三足

梁武帝大通元年於蔣山埋一鼎其文曰大通真書又鑄一鼎書老子五千言沉之九江中並簫子雲書又天監二年

安豐得一角靈龜武帝遂作一鼎投得龜處

陳武帝即位鑄一鼎其文曰元勳鼎沉于淞江

陳宣帝於太極殿中鑄一鼎其文曰忠烈常侍丁初正書

太公於渭水得玉璜鑄一鼎刻其文曰璜鼎

秦丞相樗里子作一鼎其文曰智囊獨足古文大篆書

荀況在高溪作一鼎大如五石甕表裏皆紀兵法大篆書四足

張儀伐蜀鑄一鼎高三尺文曰定蜀大篆書

李斯為丞相鑄一鼎其文曰上丞相鼎埋於上蔡東門

蕭何為丞相鑄一鼎大如三石甕自表已功其文曰紀功鼎亦是何自作署書體四足

張陵在雲臺山得仙作一鼎寫丹經理於雲臺山下

車千秋為丞相鑄一鼎文曰車丞相鼎八分書

司馬遷字子長南遊探禹穴作一鼎而小記年月日埋之秦望山

黃霸為潁川守神雀集遂刻鼎記之

孔光拜丞相鑄一鼎文曰丞相博山侯大篆書

王商為單于所畏遂令鑄一鼎刻記其功以勸功臣

楊震為太尉作一鼎其文曰太尉鼎古隸書

胡廣鑄一鼎其文曰孝子鼎八分書

陳太邱鑄一鼎藏于陘山

王允字子師郭林宗見而器之允自鑄一鼎曰千里八分書

王仲子為大司徒鑄一鼎其文曰司徒鼎大篆書

王朗為司空鑄一鼎其文曰司空鼎複篆書

董卓為太師鑄一鼎其文曰太師鼎古隸書

蔡伯喈為侍中封高陽侯作一鼎記漢家歷數豈自書藏于泰山

諸葛亮殺王雙還定軍山作一鼎埋於漢川其文曰定軍鼎又作八陣鼎沉之永安水中皆大篆書又於元武郡金山作二鼎一大一小並無文時亮行軍見此山勢似有王者故鎮之

鍾繇魏文帝賜五熟鼎

吳顧邕鑄一鼎文曰顧元凱之鼎八分書三足

陸遜破劉備軍鑄一鼎紀功其文曰破備鼎

孔愉獲龜板之遂作一鼎刻其文曰孔敬康鼎沉之於水

張衡制地動圖記之於鼎沉於西鄂水中

王羲之於九江作書鼎高五尺四面周匝書遍刻之沉於水中直隸書

識

右虞初鼎錄一卷按東觀漢記盧江獻鼎詔召鄭眾問齊桓公之鼎在柏寢臺見何書春秋左傳有鼎事幾眾對狀除為郎中是為六朝文人隸事之始茲錄所隸鼎事凡七十有二而前三十五事古帝王鼎後二十七事卿大夫鼎又與陶氏刀劍錄體例略同此二書俱不載隋經籍志唐初人類書於鼎與刀劍門亦未見稱引至宋吳淑事類賦始於劍事引陶錄十二條鼎事引虞錄十三條文亦互有詳略不必據改惟叢書元本第一條云金華山皇帝作一鼎自皇帝疑當作黃帝史記黃帝採首山銅鑄鼎於荆山蓋言鼎事莫有先於此者而茲所自叙託始虞夏則又不知此所指果即黃帝否也引馬輔史記黃帝故仍闕之以俟知者汝上王謨識

